

LES
FLEURS DV
GRAND GUIDON,

C'EST A DIRE, LES
Sentences principales de certains Chapitres dudit Guidon.

Par M. Iehan Raoul Chirurgien.



A PARIS,

Par Iehan Ruëlle, demourant en la Rue
sainct Iacques, à l'enseigne de
la queue de Regnard.

L S S 4





LES CHAPITRÉS

du grand Guidon, desquelz ont

esté cueillies les fleurs

de ce present

Liure.

Le Chapitre singulier de l'Anatomie.

Le Chapitre general de l'Anatomie.

Le Chapitre des Apostemes.

Le Chapitre des Playes.

Le Chapitre des Vlceres.

Le Chapitre des Fractures.

Le Chapitre des dislocations.

Le Chapitre de la Phlebotomie.



LES FLEURS DE

GUIDON.



SELON Galien, au second liure de la methode, toutes choses sont cogneues par deux manieres: à scauoir par la cognoissance du nō, & par la cognoissance de la nature de la chose signifiée par le nom. La cognoissance donc du nom de Chirurgie, gist en l'interpretation & etymologie de ce nom Chirurgie. Pourrāt ie dy, selon nostre maistre Guidon, que Chirurgie est dite de Chiros en Grec, qui signifie main, & ergias, qui signifie operation, le tout ensemble signifiant manuelle operation: car aussi cest art est exercé par operation manuelle. Je ne veux pas dire pourtant, que l'art de Chirurgie ne s'estende beaucoup plus loing, & ne comprenne plusieurs autres choses qui luy sont necessaires: car il est necessaire au bō Chirurgien scauoir quelques autres parties de la medecine curatiue, comme diette & potion à cause que souuentefois en guarissant les maladies, il faut que le Chirurgien ordonne diette & potion, comme tesmoigne nostre maistre Guidon en plusieurs lieux, & aussi

Galiē au tiers liure de la Therapeutique quā il parle de la curation des vlceres.

Secondement on cōgnoit la Chirurgie, par la cognoissance de sa vraye nature & office. Et pour mieux l'entendre faut scauoir la diuision & definition d'icelle.

Chirurgie, selon nostre maistre Guidon, est diuisée en Theorique & Pratique: combien que ceste diuision est selon le commun vsage n'ayant esgard à la propriété des noms.

La Theorique, est science, qui est conceue & acquise par ratiocination & raison infallible & demonstratiue. Et icelle peut on auoir par la doctrine des liures des auteurs qui en ont escript: comme Hippocrates Galien, nostre maistre Guidon, & plusieurs autres. Et se peut icelle acquérir sans la pratique, cōbien que non parfaictement. Et est diuisée en trois parties à scauoir en Physiologique, Significatiue, & Causiologique.

Chirurgie pratique, est vn art, qui donne cognoissance de l'operation manuelle, & icelle se peut acquérir sans la theorique, combien que non parfaictement. Et est diuisée en deux: à scauoir en expulsive de maladie presente, & preseruatiue de maladie future.

En apres on cognoist que cest que la Chirurgie par la definition d'icelle. Or selon no-

stre maistre Guidon. Plusieurs auteurs ont en plusieurs manieres desiny Chirurgie : toutesois tous ont prins leurs fondemens de Galien en l'introductoire de medecine au dixiesme chapitre: la ou il dit que

*Chirurgie est art curatiue par incisions & adu-
sions, guarissant les hommes.*

Et Cornelius Celsus en son proësmc la des-
finist ainsi.

*Chirurgie est medecine curatiue; laquelle ordinai-
rement s'exerce manuellement.*

Et selon nostre maistre Guidon, Chirurgie est science, qui enseigne la maniere & qualite d'œuurer, principalement en tren-
chant, en consolidant, & en faisant autres œu-
ures des mains, guarissant les hommes selon
ce qu'il est possible.

*Pourquoy est mis en la definition ce nom icy,
Science.*

Science est mis en la definitiō pour genre, c'est à dire pour non general, car il contient plusieurs especes souz soy, comme Grammai-
re, Logique, Musique, & autres. Et les autres
noms y sont mis pour la differēce par laquel-
le Chirurgie differe de toutes autres sciences:
car les choses principalement considerées en
vne definition, sont le genre & la difference,
comme dit nostre maistre Guidon en son

chapitre general des Apostemes.

Qu'est ce que definition?

Definition, est vne oraison cōposée de genre & difference, laquelle-declare la nature & essence, & l'estre de la chose definie.

Qu'est ce que essence?

Essence est ce, enquoy, & parquoy vne chose est demonstrée en son estre.

Estre, n'est autre chose, si non l'effect d'une chascune chose.

Qu'entendez vous par ce qu'il dit la maniere & qualité d'ouurer?

Par la maniere, est entendu l'usage & operation, concernant principalement la pratique. Et par la qualité, la Theorique & science de cognoistre la nature & qualité des maladies, & des membres ou ilz suruiennent: Pareillement des medecines, lesquelles faut exhiber pour la curation d'icelles.

Qu'entendez vous par ce qu'il dit, en

trenchant, & consolidant?

Par ce mot, en trenchant, j'entens la premiere operation de Chirurgie, qui est separer le continu, comme en phlebotomant, cauterisant ou scarpellant.

Par ce mot en consolidant, j'entens la seconde operation d'icelle, qui est vnir les parties solues, comme en curant les playes & vl-

ceres, & en reduysant les algebres & dearticulations.

Qu'entendez vous par ce qu'il dit, en faisant autres œuvres des mains?

Tentens la tierce operation de Chirurgie, qui est oster la chose superflue, ce qui est fait en curant les apostemes, morphee, pustules, membres superfluz ou corrompuz glandules. Pareillemēt en faisant bandes, emplastres, vnguens, poudres, & autres seruans aux operations susdites.

Pourquoy dites vous, guarissant les hommes selon ce qu'il est possible?

C'est pour demonstrier qu'il n'est pas possible au Medecin ne au Chirurgien guarir toutes les maladies, lesquelles peuuent suruenir au corps humain: Car il y a des maladies, que iacoit que le Medecin ou Chirurgien, ordonne ou applique tout ce que l'art commande pour la curation d'icelles, neantmoins la maladie ne sera point curée ne guarie: parquoy comme dit Hippocrates en la iij. particule du premier de ses pronostiques:

Etenim perquam salutarem adhibebit curationem, si suturas affectiones prauiderit. Nam fieri non potest ut omnes egros sanitati restituat, quanquam hoc multo praestantius erat, quam futura praenoscere.

Et pour monstrier qu'il n'est pas possible au Medecin ne au Chirurgien de guarir toutes maladies, nostre maistre Guidon nous en met quatre reigles, dont la premiere est.

Non omnia in omnibus, sed certa in certis.

Qui est à dire que vn Chirurgien ne peut scauoir tous les secrets & experiences qui sont audit art, ou c'est à dire que tous instrumens ne sont conuenables pour guarir toutes maladies, car a certaines & particulieres maladies, il conuient certains & particuliers remedes.

La seconde reigle.

Non est in medico semper reuenetur vt ager.

Qui est à dire que le Chirurgien n'a pas puissance de guarir toutes maladies, mais celles seulement aux quelles la medecine a puissance.

Quia natura deficiente, deficit & medicus.

Or est il ainsi qu'en aucunes maladies la medecine n'a pas de puissance, pour ce que la vertu regitiue est imbecile & debile, & ne la peut reduyre de *potentia ad actum*. parquoy ne sera pas guarie la maladie: car c'est la vertu qui guarist les maladies. Et pource disoit bien Galien au tiers liure de son Techne: *Earum autem omnium natura opifex est, medicus vero minister.*

La tierce reigle nous est monstrée, par ce qu'il dit : *Querere à medico demonstrationem & querere à balbo sermocinationem, fatuum est: vterque caret instrumentis.* Qui est à dire que c'est grand folie de dire à vn besgue qu'il face vn beau sermō veu qu'il ne scauroit, pource qu'il n'a pas les instrumens conuenables. Pareillement de demander à vn Chirurgien raison de toutes dispositions qui viennent au corps humain, c'est folie, car nature est tant secrette en ses operations que nous ne la pouuons pas distinctement cognoistre, mais seulement en general. La quarte reigle est en ce qu'il dit : *Sufficit facere quod ars præcipit.* Qui est à dire qu'il suffit au Chirurgien faire ce que l'art commande. Et est ce que dit Aristote. A ce que quelcun soit bon medecin il n'est pas requis que tousiours il guarisse : mais il suffit qu'il ne laisse rien des moyens pour la santé. Et pource Guidon met en la fin de la definition, guarissant les hommes, selon ce qu'il est possible.

Vn Chirurgien doit il vser de vraye cure en toutes maladies?

Ouy, fors en troys cas selon Guidon, esquelz suffit cure large, preseruatue, ou palliative.

Le premier cas quand la maladie est incurable, comme lepre cōfirmée, laquelle de toute

son essence est incurable: ce que prouue Auicenne au chap: de lepre, disant: Lepre est chancre vniuersel de tout le corps. Or est il ainsi selon Hippocrates au vj. de ses Aphorismes, Aphorif. xxxviij. que le chancre qui est en vn membre particulier n'est point curé, Par plus forte raison, lepre qui est chancre vniuersel, ne sera point curée.

Le second, quand le patient ne veut ou ne peut tolerer la peine des medecines necessaires pour la guarison de la maladie, comme eradication de châtre, ou extirpation de membre superflu ou estioméné.

Le tiers, quand la cure de la maladie pourroit causer plus grâde maladie, comme mort-mat enuieilly, hemorroides vieilles, fistules antiques, desquelles parle Auicenne & Arnauld de villeneufue au chapitre des fistules ou il dit: *Meatus innaturalis qui diu emanauit ut in fistulis antiquatis, obturari, nequit absque timore grauioris incommodi, nisi manatio consueta deriuetur ad proxima.*

Qui est le subiect de Chirurgie?

Te dy que c'est le corps humain, curable, quand il y'a maladie, ou sauable par cure preseruatue, comme si on faisoit phlebotomie en vn homme sain, pour le garder des maladies à venir.

*Quelle est la generale fin & intention
de chirurgie?*

Selon nostre maistre Guidon, c'est oster la maladie & garder la santé: mais à parler plus proprement; chirurgie n'a qu'une fin à sçauoir santé, parquoy ie dy que santé est la fin de chirurgie.

Quantes sont les dispositions du corps humain?
Les dispositions du corps humain sont trois, à sçauoir santé, maladie & neutralité.

Qu'est ce que santé?

Santé selon la commune opinion, c'est vne bone disposition du corps, moyennāt laquelle les parties font bien leurs operations, Neantmoins Galien au premier liure de *sanitate tuenda* dit qu'il y a deux sortes de santé du corps à sçauoir, la santé des parties similaires, & la santé des parties instrumentales ou organiques.

La santé de la partie similaire est vne conuenance proportionnée es bone mistion de quatre qualites actiues & passives à sçauoir, chaude, froid, sec, & humide, pour faire leur operation selon l'intention de nature.

La santé des parties instrumentales ou dissimilaires, est conseruée par la commodération d'icelle, à sçauoir en magnitude, formatiō, position, & nombre.

Qu'est ce que maladie?

Maladie est intemperature, que vient aux parties similaires, entant quelles sont similaires: ou incōmoderation qui vient aux parties organiques, ou solution de continuité, qui vient à l'un & à l'autre.

Qu'est ce que neutralité?

Neutralité est vne disposition au corps entre bonne temperature & bonne cōmoderation, ou intemperature & incommodation.

Quantes sont les parties de Chirurgie?

Deux, à scauoir, les generales, & les speciales. Les generales (selon Ioannice) sont deux, qui sont prises selon les differencēs des parties ou il conuient besongner à scauoir. En parties solides, comme os, cartilages, nerfz, veines, & autres. Et en parties carniformes, comme la chair & la gresse. Mais les speciales sont quatre: à scauoir, Celle qui enseigne ouurer en aposteme. Celle qui enseigne besongner en playes. Celle qui enseigne operer en vlcères. Et Celle qui enseigne ouurer en articulation des os, & autres ou eschet operation manuelle.

Quantes & quelles sont les intentions des operations des Chirurgiens?

Trois, à scauoir, separer la chose continue, comme en incisant, phlebotomāt, en scarifiāt,

en ouurant apostemes & autres: Reunir la chose separée, comme en consolidant, en incarnant, en compressant, en bandant les fractures & dislocations: E xtirper la chose superflue, en ostant les apostemes, morphees, pustules membres superfluz & corruptus. Et est la similitude de Hippocrates au premier liure des sectes qui dit: Ainsi que le Laboureur cerce & nettoye la terre d'herbes & espines suffocantes le fruit: ainsi le medecin ou chirurgien est le laboureur du corps humain: car osté le superflu, il adioust ce qui est necessaire.

Quelz & quantes sont les instrumens pour accomplir lesdictes operations?

Ilz sont de plusieurs manieres, car les aucuns sont communs: Et sont ditz communs, pource qu'ilz se peuuent appliquer, tant en diuerses parties comme en diuerses maladies. Et les autres sont propres.

Et sont ditz propres, par le contraire. Et tant des propres comme des communs, les aucuns sont medicinaulx, & les autres de fer.

Les instrumens medicinaulx, sont, Regimes selon les choses non naturelles, Potion, diette, seignee, vnguens, emplastres, cataplasmes, pultes, poudres & autres.

Des instrumens de fer, Les aucuns sont à trencher, comme Ciseaux, Rasouers, & Lan-

tettes. Les autres sont à cauteriser, cōme Oli-
uères, Datillaires, cultelaires & autres; Les au-
tres sont à tirer hors, cōme Tenailles. Pincet-
tes & Crochetz & autres, Les autres sont à es-
ponuer, cōme Prouues & intromassaires. Les
autres à coudre, comme Cannoules Aguilles.

*Quant vnguenis doit porter avecques soy le
Chirurgien?*

Je dy que le Chirurgien doit porter les vn-
gueus selon les indications, ausquelles il veut
satisfaire. Toutesfois les vnguets que le Chi-
rurgien doit porter pour satisfaire es plus cō-
munes indications selon nostre maistre Gui-
don sont cinq, à scauoir.

*Basilicon. Vnguentū aureum, Vnguentū aposto-
lorū, Vnguentū album, & Vnguentum de Altea.*

*De quantes & quelles choses sont prinses les in-
dications curatiues des maladies?*

Les indications curatiues des maladies sont
prinses de trois choses (selon Galien par toute
la Therapeutique) selon nostre Maistre Gui-
don (en son chap. singulier) à scauoir, des cho-
ses naturelles, nō naturelles, & contre nature.

Quantes & qu'elles sont les choses naturelles?

Les choses naturelles sont sept, à scauoir.
Elemens, complexions, membres, humeurs,
vertus, espritz & operations. Et sont dites na-
turelles, pource qu'elles sont de l'essence, &

composition du corps humain. Et leurs annexes sont, âge, coustume, & la distance entre mâle & femelle.

Quantes & quelles sont les choses nō naturelles?

Les choses non naturelles sont six, à sçauoir boyre, mēger, dormir, veiller, travailler, reposer, repletion, inanition, & les accidēs de l'ame cōme ire, tristesse, courroux & autres. Et leurs annexes sont la region, le tēps, les vêts, baings & estuues. Et sont dites non naturelles: pour ce que si elles sont deument exhibees elles sont cause de santé. Et si indeument, elles sont cause de maladie: & ne peut le corps estre lōg temps sans l'occurrence d'icelles.

Quantes & quelles sont les choses contre nature?

Les choses contre nature sont troys à sçauoir maladie, cause de maladie, & accident de maladie. Et sont dites contre nature, car elles sont à la corruption du corps humain.

Qu'est ce que cause de maladie?

C'est vne disposition contre nature qui produit immediatement la maladie. Et accident de maladie, est vne disposition consuyuant la maladie cōme effect d'icelle.

Quantes & quelles considerations doit auoir vn Chirurgien en sa maniere generale d'ouurer profitablement en corps humain.

Selon maistre Arnaud de villeneufue, le Chirurgien doit auoir quatre considerations. La premiere est qu'il doit cognoistre, qu'elle est l'operation qu'il doit corriger au corps humain. Et il scait par les opérations de Chirurgie, que c'est que deparrir la chose continue; ioindre la chose separee, ou oster la superflue.

La seconde consideration est que le Chirurgien doit cognoistre pourquoy il fait telle operation. Et il le cognoist par la generale intention, qui est, oster la maladie, & conseruer la santé, car pource sont faites les operations de Chirurgie au corps humain avec fiance de securité.

La tierce consideration est qu'il doit considerer si telle operation est necessaire ou possible. Et il le cōgnoist (selō Galien au tiers de la Therapeutique, comme recite nostre maistre Guidon au chapitre general des playes) par la consideration de l'essence ou substance d'une chascune des particules, & par l'operation de la partie malade, & aussi par la situation de la partie blesee.

La quarte consideration est que le Chirurgien doit scauoir exactement la maniere de appliquer les choses dessusdites au corps humain. Et ceste consideration se doit prendre, en faisant tout ce qu'il conuient faire quant à ceste

ceste operation, tant deuant l'operation, qu'en l'operation, qu'apres l'operation faite.

EXEMPLE.

Comme quād nous sommes appelez pour extirper quelque membre mortifié ou corrompu, Premièrement apres la maladie cogneue, nous deuons regarder que c'est qu'il fault faire. Et nous scauons par la generale diuision des operations de Chirurgie que c'est, oster la chose superflue, soit avec raser, cauter, actualz ou potentialz.

Secondement, nous deuons considerer pourquoy nous faisons telle operation. Et nous scauons par la generale fin de Chirurgie, que c'est affin que le membre mortifié, corrompu ou estiomené, soit osté & ne gaste le sain.

Tiercement nous deuons considerer si telle operation est necessaire ou possible. Et nous scauons qu'elle est necessaire pour la grādeur de la maladie: Laquelle le patient ne pourroit pas longuemēt porter: sans perdition de tout le corps: car comme dit Albuchrasis.

Maiores mors totius corporis quam defectus unius membri. Aussi nous scauons qu'elle est possible si la vertu est forte.

Quartement nous deuons considerer la droite maniere d'ouurer, en extirpant iceluy

membre corrompu ou estiomené, tant deuant l'operation, que en l'operation, que apres l'operation. Donc, deuant l'operation nous deuons considerer, s'il a point necessité d'estre purgé, ou phlebotomé. Laquelle chose appartient à messieurs noz maistres. Aussi pareillement conuient deuant icelle operation, le Chirurgien estre muni de plusieurs & diuers cauterres actuelz, & de Serre, de pouldre restrainctiue, seruiteurs loyaux, & autres choses necessaires à icelle operation.

Doncques en faisant l'operation selon nostre maistre Guidon, nous deuons trancher le membre sur la corruption pres de la partie saine, en enuoloppant icelle partie saine avecquet medicaments sedatifz froidz aucunement stiptiques : & la partie corrompue soit liee avecques bandes & ligatures conuenables. Et la chair q est entre les deux liens soit incisee, pres de la saine avec rasouer : iusques à ce qu'on veoye l'os entierement. Et alors l'os soit syé subtilement & parfaictement, & ledict membre corrompu soit separé. & le sain cauterisé avecques cauterres actuelz à ce conuenables, avec huyle bouillant, ou avec tous deux ainsi que i'ay veu faire autresfois à messieurs mes maistres.

Après soit procurée la sedation de la dou-

leur avec huyle, & moyeuſz d'œufs, & autres choses vinctueuſes, & puis ſoit curé comme les autres vlcères.

Quantes choses ſont requiſes pour exercer artiſciellement ledit gas au corps humain?

Quatre. Les vnes ſont requiſes au Chirurgiē les autres au malade, les autres aux ſeruiteurs, & les autres à ceux q de dehors viennent & eſt ce q dit Hippocrates au .i. de ſes aphoriſmes.

Non ſolum ſeipſum preſtare oportet opportuna facientem, ſed & agrum & aſſiſtentes & exteriore.

Quantes & quelles conditions ſont requiſes au Chirurkien?

Quatre. La premiere eſt qu'il ſoit ſcauant & doctē. La ſeconde qu'il ſoit expert. La tierce qu'il ſoit ingenieux. Et la quarte, qu'il ſoit homme de bonnes mœurs.

Pour le premier, le ſcauoir conſiſte en deux choses principales: à ſcauoir, en Theorique & en pratique.

En la Theorique il fault qu'il cognoiſſe les choses naturelles, non naturelles, & contre nature, les naturelles & principalement l'Anatomie, car les indications ſont principalement de la nature, & diuerſité des membres, cōme le monſtre Galien contre Theſſalus.

Les choses non naturelles, car ce ſont choses qui continuellement alterent noz corps, &

n'en pouons euitier l'occurrence cōme tesmoi-
gne Galien au tiers de son art medicinale.

Les choses contre nature, cōme la mala-
die, car d'icelle est prinse principalement l'in-
dication curatiue, cōme celle qui premiere-
ment iuge de sa remotion. Et qu'il ne ignore
point ausi les causes, ne les accidēs, car souuē
tesfois selon icelles est changee la cure.

Après en la pratique, conuiēt qu'il sache or-
donner diette & medecine laxatiue temperee
& ce en cas de necessité, & qu'il n'y a point de
medecin. Car cōme dit Galien en son intro-
ductoire, cōme Pharmacie a aucunesfois af-
faire de Chirurgie, tout ainsi Chirurgie a af-
faire de Pharmacie.

Secondement conuient qu'il soit expert en
ce qu'il a veu par raison & experience; autre-
ment seroit temeraire & empirique. Pareille-
ment est necessaire qu'il ayé veu practiquer
plusieurs bons maistres, en mettant peine de
retenir leurs doctrines & experiences, car cō-
me dit Almanzor.

*Oportet vnumquemque medicum prius scire,
deinde usum & experientiam habere.*

Et pource dit Rasis, que si on trouue vn
homme ayant ces deux choses, a scauoir sci-
ence, & experience, il doibt estre preferé aux
autres.

Tiercement il conuient que le Chirurgien soit ingenieux , c'est à dire qu'il ait bonne apprehension, bon iugement, & bonne memoire avec bon engin , comme dit Damascenes. L'engin naturel ayde beaucoup à l'art. Aussi qu'il soit diligent de chercher remedes, & de visiter son malade, affin de obuiuer aux accidens qui continuellement peuvent suruenir.

Quartement il fault que le Chirurgien soit de bonnes mœurs, c'est à dire, qu'il soit honnestes, gracieux au patient, amiable entre ses compagnons, hardy au choses seures, non pitoyable en delaisant à faire les choses necessaires pour menaces du patient, car, comme dit Cornelius Celsus, au commencement de son liure.

Oportet medicum esse immisericordem: ne infirmi motus clamoribus minisque, operatio cesset, sed omnia audacter & sollicitè agat, ac si nullis vagitibus moueretur?

Qui sont les conditions requises au patient?

Les conditions requises au patient, sont troys.

La premiere qu'il soit obeissant au Chirurgien comme subiect au seigneur.

La seconde, qu'il se confie du tout en luy, car comme dit Galien primo pronosticorum, Le medecin ou Chirurgien guarist plus de

malades, auquel plus de gens se confient.

La tierce qu'il soit patient en son mal, car comme dit nostre maistre Guidon, *Patientia vincit malitiam.*

Qui sont les conditions requises aux seruiteurs?

Quatre, à scauoir qu'ilz soyent sages, paisibles, loyaux, & discrets. Toutesfois il suffit, selon Galien au premier comment des aphorismes, que toutes choses tant exterieures, que interieures, tant de ce qui est fait par ceulx de la maison, comme ne ceulx qui suruiennent de dehors, soyent faictes & ordonnees au profit du patient, selon le commandement du medecin ou Chirurgien.

Quantes choses contiennent les ars de pratique?

Ilz contiennent troys choses. La premiere cognoistre les lieux du subiect. La seconde, scauoir mener la fin intendue en lieux du subiect. La tierce scauoir trouuer les iustrumens avecques lesquelz on puisse mener la fin es lieux du subiect.

Quante & quelz sont les traictez de l'art operatiue de Chirurgie?

Les traictez de l'art de pratique de Chirurgie, selon nostre maistre Guidon sont troys en general.

Le premier est de l'Anatomie, & des lieux du subiect.

Le second est de la maniere de mener la fin
es lieux du subiect, & contient cinq parties à
scauoir le traicté des apostemes, des playes,
des vlcères, des fractures, & des dislocatiōs &
de plusieurs autres maladies, pour lesquelles
on a recours au chirurgiē. Et le troisiēme en
general est des instrumens avecques lesquels
la fin est mēee es lieux du subiect.

CHAPITRE DE l'Anatomie.

Qu'est ce que Anatomie?



ANatomie, comme diuise no
stre maistre Guidon, est vne
droicte & vray diuision ou
dissection des membres de
chascū corps humain, lequel
est le subiect de cest art de
chirurgie. Par quoy ie dy q Anatomie est vne
ptie de medecine speculatiue, laquelle est sciē
ce ou cognoissance des pties du corps humain
en leurs substances & commodations pour
mieulx scauoir guarir les maladies, lesquelles
peuent suruenir en iceluy corps humain.

Quelles et quātes sont les vtilitez de l'Anatomie?
Ie dy (ensuyuāt la doctrine de nostre maistre

Guidon au premier chapitre de son Anatomie) qu'il y a quatre profitz & vtilitez de la science de l'Anatomie.

La premiere est grande admiration de la puissance de Dieu le createur, qui tellement a crée & composé iceluy corps humain à sa semblance.

La seconde est, la cōgnoissance des particulieres patientes ou souffrantes.

La tierce est, la pronostication des dispositions qui doiuent aduenir au corps.

La quarte est, la curation & guarison des maladies qui peuuent aduenir en iceluy corps humain.

Dont est dite & deriuée Anatomie?

Anatomie est deriuée de Ana en Grec, qui vaut autant à dire comme droit en francois, & Tomos, qui est à dire comme diuision ou section: car, comme ie dy, c'est droite ou vraie diuision ou dissection des membres d'un chacun corps, spécialement du corps humain.

Le chirurgien est il tenu de sauoir l'Anatomie?

Ie dy (selon Henry de Mondeuille au commencement de son Anatomie) que le Chirurgien est tenu de sçauoir l'Anatomie: comme il prouue tripliment, à sçauoir. Par autorité, comme dit Auicenne au premier liure: que le Chirurgien artificiellement ouurant,

doit ſçauoir l'Anatomic des nerfs , des veines & arteres: afin qu'il ne erre en ſes operations.

Par ſimilitude ou exemple eſt prouué, par ledit Mondeuille , quand il dit que le Chirurgien ignorant l'Anatomie, eſt comme l'aveugle qui trenche le boys: car il ne ſcait ſil trenche plus ou moins qu'il ne doit : Ainſi fait le Chirurgien ignorant l'Anatomie en ſes operations. Il incife plus ou moins qu'il ne doit, & peut blecer les nerfs & autres mēbres ſemblables.

Par raiſon eſt prouué par ledit Mondeuille, quand il dit : Vn bon ouurier ne peut bonnement ne droictement beſongner , ſil ne congnoiſt le ſubieſt auquel il œuure : Or eſt il ainſi que l'operatiō de Chirurgie eſt adreſſée au corps humain : Donc le Chirurgien eſt tenu de ſçauoir l'Anatomie, autrement il ne peut bien & deuement exercer les operations au corps humain, pource qu'iceluy eſt ſubieſt de Chirurgie.

En quantes manieres eſt acquiſe l'Anatomie?

L'Anatomie eſt acquiſe en deux manieres: à ſçauoir par la doctrine des liures qui ſont faits & eſcrits: & par experiēce des corps nouvellements morts, deſquels on fait incifion: laquelle, ſelon noſtre maiſtre Guidon, Bertuſius ſon maiſtre & Dinus de Boulogne faiſoient

en ceste maniere.

Premieremēt le corps mort estoit situé sur vn banc ou vne table, & faisoit on de luy quatre parties.

En la premiere partie, estoient monstrez & declarez les membres nutritifz, pource que plustost sont corrompuz & pourris.

En la seconde les membres spirituelz. En la tierce, les membres animaux. Et en la quarte, les extremitez.

Qu'est ce que corps humain?

Corps humain (ensuiuant la doctrine de nostre maistre Guidō) est vn tout, aorné de vertu, composé de plusieurs particules, & diuers membres.

Pourquoy est il dit vn tout?

Il est dit vn tout, car entre tous les corps que Dieu a créés, il n'y a corps de si grāde & merueilleuse organisation, comme est le corps humain. Et la raison est, car il est le subiect de la plus noble forme que participēt tous les animaux, à sçauoir de l'ame raisonnable.

Pourquoy est il dit, aorne de vertu?

Il est dit aorné de vertu, pource q̄ vertu est vne puissance de l'ame, attribuée aux mēbres, specialemēt ou accidētalemēt, pour faire leurs operatiōs: Et est icelle vertu diuisée en trois sçauoir, en vertu vitale, animale, & naturelle.

Qu'est ce que membre?

Membre ou particule, selô Galien, est corps ayant sa propre circumscription qui n'est pas du tout separé ne conioinct à autre. Et selon Auicenne; Membre est corps engendré de la premiere commistion des humeurs.

Il en est de plusieurs diuisions. Premièrement il y a membres simples ou consemblables. Secondement membres composz ou organiques. Lesquels membres composz sont de plusieurs diuisions: car il y a membres principaux, comme le cœur, le cerueau, le foye, pour la conseruation de l'indiuidu; & les testicules, pour la cōseruatiō de l'espece. Et les non principaux sont tous les autres. Et d'iceux mēbres non principaux, aucuns sont seruās audits principaux les vns immédiatement, comme les meseraïques au foye, le poulmon au cœur, les nerfz optiques au cerueau, le didime aux testicules. Les autres seruent aux principaux mediatement; comme la trachée artère au cœur, moyennant le poulmon: l'estomach au foye, moyennant les veines meseraïques: les yeux au cerueau, moyennant les nerfz optiques. Et autres manieres de membres seruans en portant des membres principaux à tous les autres mēbres. Et iceux ont esté appelez des medecins.

Orta à principibus. C'est à dire, nez des principaux membres, pour deux raisons. La première est, car ils sont cōteuuz avec les principaux. La seconde est, car ils portent aux autres membres ce qui est contenu en iceux principaux. En ceste maniere on dit que les arteres sont nees du cœur, les nerfz du cerueau ou de la nuque, les veines du foye, les voyes similaires par lesquelles le sperme est iecté hors des genitoires.

Qu'est ce que membre simple?

Membres simples sont parties, lesquelles (cōme dit Galien en son liure de Anatomia viuorum) quand ils sont diuisees, les parties sont semblables & d'une mesme denomination.

Qu'est ce que membres compostz?

Sont parties, lesquelles se peuvent diuiser en autres, ou plusieurs especes de diuerses denominations, comme la main se peut diuiser en os, cartilages, nerfz, veines & arteres, qui sont de diuerses nominatiōs, comme vne veine differe d'un nerf, &c.

Quantes manieres y a il de membres compostz, ou organiques?

Les membres cōpostz sont de diuerses manieres, car les aucuns sont necessaires à tout le corps. Et iceux sont dits principaux: & sont quatre, à sçauoir, le cœur, le foye, le cerueau, &

les genitifz. Et d'iceux aucun est nécessaire pour la premiere operation du corps, qui est contemplation ou apprehension, ratiocinatio, recordation, c'est le cerueau.

Le membre sans lequel ne se sçauroit faire la premiere operation du corps, c'est le cœur à cause de son esprit de vie.

Le mēbre par lequel est faite mieux la premiere operation, c'est l'antérieure & la postérieure partie du cerueau, & de la nuque, à cause du sentement.

Le membre par lequel est conseruée la premiere operation du corps, c'est le foye à cause de la nutrition.

Les membres qui conseruent l'espece humaine, sont les genitifz, à cause qu'ilz ont à faire la generation.

Pourquoy sont dits principaux?

Ilz sont dits principaux, à cause qu'ilz sont nécessaires à tout le corps, ou pour l'induidu, ou pour son semblable en espece.

Qui sont les membres mandans & receuans?

Les membres mādans & receuans sont, l'estomach, le foye, les veines, & arteres.

Quants & quelz sont les membres simples?

Selon nostre maistre Guidon les membres simples sont x i. à sçauoir le cuir, la gresse, la chair, les veines, les arteres, les nerfs, les panni-

cules, les cordes, les ligamens, les cartilages, & les os.

Quantes choses se doylent enquerir en chacun membre?

Sur chacun membre simple, en tant, qu'il est partie similaire, ne se doit enquerir qu'une chose, à sçauoir la substance: mais sil est considéré comme composant organique, il faut considérer la commodation.

Que entendez vous par sa substance?

Par la substance, j'entens cinq choses, à sçauoir. Vnion de continuité en la substance. Essence de matiere dont elle est faite, à sçauoir si celle partie est solide, spirituelle ou carniforme. Temperature ou complexion qui est appelée vnion de mition. Craissement, à sçauoir sil est dur ou mol: Conséquence de mition, à sçauoir odeur, couleur, & saueur.

Que entendez vous par sa commodation?

J'entens quatre choses, à sçauoir magnitude, formation, position & nombre. Toutesfois (selon le commentateur Alexandre Lib. sectarum) en chacun membre sont requises neuf choses, à sçauoir la position ou est mise la substance, la complexion ou temperature, la quantité ou magnitude, la colligance, la figure. Le nombre, les faits & utilités. Et les maladies qui peuvent suruenir à celuy membre.

Qu'est ce que cuir?

Cuir est vne partie similaire, qui est couverture de tout le corps tissu de filz, de nerfz, veines, & arteres, crée pour la defense des nocumens extérieurs, afin que les membres intérieurs ne soyent blessez, aussi pour donner sentiment moyennant ces villes & fibres de nerfz.

Qu'est ce que gresse?

La gresse est vn membre simple, de laquelle la cause materielle est le sang vntueux, & la cause efficiente est froideur & humidité, aussi si l'elongation de la fontaine de chaleur qui est le cœur. Et y en a de deux manieres, a sçauoir Adeps & Axungie.

Qu'est ce que chair?

La chair, est vn membre simple, non spermatique, tédant au dernier degré de mollesse, crée de la grosse partie du sang menstrual, condensé par chaleur, de complexion chaude & humide, insensible, de couleur rouge, faire pour remplir l'espace ou vacuité des nerfz, ligamens, veines & arteres.

De quantes manieres est il de chair?

De trois, a sçauoir, La chair simple, qui est seulement trouuée entre les dens, & au membre viril.

La chair glanduleuse, laquelle a diuerses

utilitez : car aux iointures & foubz la langue elle est mise pour entretenir l'humidité nécessaire au mouuement , pour garder de desiccation les membres mobiles , aucunesfois pour receuoir les veines passantes d'un lieu en autre, comme la chair glanduleuse du mesentaire, qui reçoit les veines venantes du foye à l'estomach, & aux intestins: lesquelles ont nécessité d'estre soustenues . Aussi la chair glanduleuse en forme de sommité de beaume desoubz le cerueau , seruant pour les veines passantes en diuerses parties du cerueau pour remplir l'espaces desdites veines.

La chair musculieuse est trouuee en grande quantité par tout le corps.

Qu'est ce que veine?

Veine est vn membre similaire d'essence solide, temperature froide & seiche de soy, & par accidēt chaude & humide à cause du sang qu'elle cōtient : de crassement dur & tencille. Son office est de porter le sang par tous les membres pour faire la nutrition . Toutes, ont leur naissance ou origine du foye, fors vne veine, qui va du cœur au polmon qui s'appelle Arteria venalis, pouttant qu'elle a deux tuniques comme les arteres: & par ceste veine est enuoyé du cœur au poulmon vne partie du sang le plus subtil, pour son nourrissement.

Qu'est

Qu'est ce que Arteret?

Artere, est membre similaire quant au sens de la veue: car à la verité combien qu'ilz soiēt composez de deux tuniques, toutesfois ilz ne sont pas vrayement membres similaires & sont de substance nerueuse & ligamentale, finalement créés, pour porter l'esprit vital à tout le corps, & pour esuenter le cœur, & pour expulser l'air chaud & les fumosités caueuses hors le corps: composé de deux tuniques, dont la tunique interieure est plus espesse que l'exterieure. Et a sa naissance du sinistre vëtriculè du cœur.

Qu'est ce que nerf?

Nerf est membre simple, d'essence solide, de complexion froide & seiche, moins que la corde, crassement plus mol que la corde. Les nerfz motifz sont plus durs que les sensitifz, & leur office est de porter la vertu motiue & sensitive à tous les membres. Tous les nerfz ont leur origine du cerueau ou de la nucque, comme vicaire de luy.

Le nombre des nerfz, est de trente & sept pareilz, & vn sans pareil, dont les sept pareilz naissent du cerueau, & sont dits sensitifz. Et les autres trente & vn naissent de la nucque, & sont dits motifz.

Qu'est ce que muscle?

Muscle est organe de mouuement, liquide apparent, & esleu, selon Galien tertio de vtilitate particularum & de motibus liquidis, id est manifestis per totum.

Nonobstant que les muscles soyent membres simples quant au sens, toutesfois selon la verité ilz sont composez de nerfs, de ligamens, de chair qui les remplist, & vne pannicule qui les couure. Et ainsi le dit Auicenne au premier liure de son canon.

Le nombre de muscles selõ Auic. Libro primo de Anatomia musculorum, est de cinq cēs.

Qu'est ce que os?

Os sont membres simples, d'essence spermatique, de substance dure, grosse & terrestre. Et la cause efficiente, selon le philosophe, est chaleur excessiue, quasi dite assatiue. Laquelle ressoluit la partie subtile, delaisant la partie grosse endurcie, & sont faits au ventre de la mere, ainsi que les tuilles & carreaux en la fournaise. Et pource que la chaleur assatiue ressoluit les parties chaudes & subtiles de la matiere spermatique, lesdits membres spermatiques sont dits estre de complexion froide & seiche.

Le nōbre des os selon Auicenne est de deux cens quarante & huiet, fors Sizamina, & os laudē, ou est fondee la langue.

Qu'est ce que Cartilage?

Cartilage est mēbre simple, d'essence spermatique, de cōplexiō froide & seiche, cōme de nature d'os. Toutesfois il est plus mol q̄ l'os, & sō office & vtilité est supplier le deffaut de l'os.

SENSVIT DES MEMBRES COMPOSTZ.

Qu'est ce L'ouille de la teste?



'Ouille de la teste, selon le philosophe, est partie pleine de cheueux, en laquelle les mēbres animaux sont contenuz.

Quantes sont les parties de L'ouille de la teste?

Selon Auicen. au tiers canō au premier chap. elles sont dix ou vnze, à sçauoir, cinq cōtenātes, & autāt de cōtenues.

Qui sont les parties contenantes?

Les parties contenantes, sont les cheueux le cuir, la chair musculeuse, le pericrane, le crâne, ou il y a sept os en nōbre: à sçauoir, Le premier de la partie de deuant, & est appellé Coronat. Le second, est de la partie de derriere, & est appellé Occipital. Le troisiēme & le quatriēme sont aux deux costez, & sont

appelez Parietaux. Le cinquiesme & le sixiesme sont les os dits Petreux, car ilz sont durs comme pierre. Le septiesme est l'os Basilaire, qui est ainsi cōme vn coing qui ferme & soutient tous lesdits os sur le palais.

Qui sont les parties contenues?

Les parties contenues sont Durā mater, Pia mater, Rete mirabile, Le cerueau & l'os Basilaire, qui est fondement du cerueau.

Qui sont les parties de la face?

Les parties de la face, sont le front, les sourcilz, les yeux, les narilles, les oreilles, les tēples, & les iouēs.

Qui sont les parties du front?

Le front ne contient sinō le cuir, & la chair musculeuse: car l'os qui est dessoubz est du coronal, car selon sa superieure table sa spongiosité est esleuée & eslongnée, & fait les sourcilz.

Les sourcilz sont pour beauté, & formés pour les yeux, & pource sont ordonnez de poilz.

Les yeux, sont instrumens du veoir & sont dedans orbitam, qui est partie du coronal, & des temples. Ilz sont cōposez de sept tuniques, & de trois ou quatre humeurs.

La premiere tunique est Coniunctiua, qui est blanche & grosse, laquelle enuironne tout

l'œil, excepté ce qu'il appert de Cornea, & naist du pāniculē que cōuure le crâne: mais les autres materiellement sont trois enuironnantes tout l'œil, & pour la diuersité des couleurs variantes enuiron le milieu de l'œil au lieu dit yris, elles sont dictes six formellement, c'est à sçauoir, trois de la partie du cerueau, & trois au dehors.

La premiere naist de Dura mater, & de la partie du dedās est dite Sclerotica, & de la partie de dehors Cornea.

La seconde naist de pia mater, de la partie du dedans est dite Secundina, & du dehors Vuea, & a le pertuis de la prunelle au milieu.

La tierce naist du nerf optique, & de la partie du dedās est dictē Retina, & du dehors sur l'humeur cristalin, est dite Aranea. Et ainsi sont sept tuniques en l'œil diuisées formellement, & ne sont que trois selon la continuatiō materielle des trois humeurs.

La premiere est Crystallinus, située au milieu de l'œil de couleur de Crystal, en laquelle principalement est fondée la veue.

La seconde est Vitreus, vers le cerueau, & comprennent toute la partie de derriere Cristallinum.

La tierce, est Albugineus, de la partie du deuant.

Et la quartè est, selon Galien, en la region de la prunelle, laquelle est dite Ethere lucide, & est toute spirituelle.

Qui sont les parties du nez?

Le nez contient parties charnues, ossues, & cartilagineuses. De la partie charnue est le cuir & deux muscles enuiron la derniere partie, & deux os triangules. Et la partie cartilagineuse, est double. Vne dehors qui faict le bout ou extremité du nez, L'autre dedans qui diuise les narilles.

Les narilles, sont deux canalz montans iusques es os du collatoire, ou sont appliques les additemens dits mamillaires, ou est fondé le sens de l'odorement.

Les oreilles, sont cartilagineuses & anfractueuses situées sur les os dits Petrosa, ordonnées à ouir.

Les temples, les machoeres, & les iouës, sont parties des costez de la face, & contiennent en elles chair musculieuse avec veines, arteres, & os.

Qui sont les parties de la bouche?

Les parties de la bouche, sont cinq (selon nostre maistre Guidon) à sçauoir les leures, les dents, la langue, le palais, & vuula.

Qui sont les parties du col?

Les parties du col sont deux, à sçauoir celles

qui contiennent tout le col proprement, & les autres contenues qui passent par iceluy.

Qui sont les parties contenantantes?

Les parties contenâtes, sont le cuir, la chair, les muscles, les lyens, & les os.

Qui sont les parties contenues?

Les parties contenues sont *Trachea arteria, oesophagus ou meri, Epiglottis, guttur aut gula.*

Qu'est ce que spondille?

Spondille est dit l'os, qui constitue le dos pertuisé au milieu, par lequel la nuque passe: & a es costez par ou les nerfs passent, plusieurs adioustemens, montans & descendans, & spécialement les moyens procedans.

Qui sont les parties de la main grande?

Les parties de la main grande, sont le cuir, la chair, les veines, les artères, les nerfs, les muscles, les cordes, les lyens, les pannicules, les cartilages, & les os.

Qu'est ce que le Thorax?

La poitrine, ou le Thorax, est l'arche des membres spirituelz, & pource sont en elle aucunes parties contenâtes & aucunes contenues.

Qui sont les parties contenantantes?

Les parties contenâtes, sont quatre, à sçauoir le cuir, la chair musculieuse, les mammelles & les os.

Qui sont les parties contenues?

Les parties contenues sont huit, à sçavoir le cœur, le poulmon, les pannicules, les liens, les nerfs, les veines, & arteres, meri ou œsophagus.

Qui sont les parties du ventre?

Les parties du ventre sont doubles, à sçavoir, les contenant & les contenues.

Qui sont les parties contenant?

Les parties contenant sont Mirac & Siphac de la partie de deuant, & de la partie de derriere, sont les cinq spōdilles & la chair mise dessus.

Qui sont les parties contenues?

Les parties contenues sont sept, à sçavoir le zirbus, les intestins, l'estomach, le foye, la ratelle, le mesenterium & les rongnons.

Qui sont les parties des hanches?

Par les hanches sont entendues les parties basses du ventre, du nombril iusques aux parties des cuisses & membres honteux, desquelz les parties sont triples: à sçavoir, Les vnes contenant les autres contenues, & les autres yssantes dehors. Les parties contenant sont, Mirac, Siphac, Zirbus, & les os.

Les parties contenues sont, La vessie, les vaisseaux spermatiques, La matrice aux femmes, Longari, ou le droit intestin, Les nerfs,

veines, & arteres descendans en bas.

Les parties yssantes dehors sont, Le didime, les genitifz, la verge, les veines, Pigneum, les nages, & les muscles descendans en bas.

Qui sont les parties de la grand iambe?

Les parties de la grand iambe ou grād pied, sont cōme de la grand main, à sçauoir, de cuir, de chair, nerfz, veines & arteres, les muscles, pannicules & les os.

Tous les os du grand pied, ou de la grand iambe, sont trente: desquelz le Chirurgien peut considerer la maniere de desloer & froisser. Et par consequent peut veoir la maniere de ramener.

Fin du chapitre de l'Anatomie.

CHAPITRE DES APO- STEMES.

Qu'est ce que Aposteme?



Posteme selon les choses essentielles ou de son essence, est defini par Galien *in libro de agitudine & Symptomate*, & par Auicenne en son canon, *Libro primo*, que c'est maladie compo-

lée de trois genres de maladies, assemblées en vne grandeur.

Ceste definition est monstrée estre Bonne & essentielle par le Cōsiliateur, & par Albert de Boulongne, qui ensuyuent Galien & Auicenne: car elle constitue le defini en son estre, & de chacun autre fait auoir difference, & ne cōuient à nulle autre maladie qu'à l'Aposteme, & ne peut estre Aposteme, sans les trois genres d'icelle. Donc il s'ensuyt qu'elle est essentielle.

*Qui sont les choses essentielles des
Apostemes?*

Les choses essentielles des Apostemes, sont les trois genres de maladie, à sçauoir malle complexion, malle composition, & solutiō de continuité. Lesquelles choses declare Auicēne en son premier liure au cinquiesme chapitre quand il dit.

*In apostemate quadam omnium agritudinum
genera reperiuntur.*

Pourquoy sont ilz appellez genres?

Il cōuient premier sçauoir que c'est que genre. Par genre, est entendu vn nom general, lequel est communicable & predicable de plusieurs differēs en espee. Donc ilz sont appellez genres, pource que dessoubz eux sont contenues plusieurs especes.

Les especes de malle complexion, sont trop
excessiue chaleur ou froideur humidité & se-
cheresse.

Les especes de malle composition sont, mau-
uaise figure, forme, quantité, nôbre, & autres.

Les especes de malle vnion, ou solution de
continuité sont apostemes (desquelles preten-
dons icy parler) playes, vlcères, fractures &
dislocations, & plusieurs autres.

*Pourquoy est mis ce nom, maladie, en
La definition?*

Il est mis pour genre, c'est à scauoir, pour
nom general, & les autres noms y sont mis
pour difference des autres maladies specia-
les: comme malle complexion, malle compo-
sition, & malle vnion, ou solution de conti-
nuité. Et par les conditions accidentés est de-
scrit Aposteme par Galien *In libro de tumori-
bus præter naturam*: auquel il à mis plus son in-
tention à declarer & manifester les Aposte-
mes au sentiment qu'à l'entendement, quand
il dit: *Vnum aliquid eorum quæ accidunt corpo-
ribus, existit res quæ indicatur hoc vocabulo tu-
more, & non quocunque, sed pro magno qui nocet
actibus euidenter.*

Laquelle description est au troisieme de
la Therapeutique, comme recite nostre mai-
stre Guidon. Et icelle description a expli-

qué parfaictement Halybas *oñt auo sermoné par
tus prima libri sui dispositionis regalis* ; quand
il dit.

Aposteme est tumeur outre nature , en la
quelle aucune matiere est assemblée, qui rem-
plist , & estend le membre outre sa forme na-
turelle. Et de la necessité d'icelle parle Auicen-
ne au premier liure en la seconde doctrine
quand il dit : *Nullum namque accidit apostema,
nisi ex complexionis malitia cum materia.* Qui est
à dire que nulle aposteme est fait sans malle
complexion avec matiere.

Qu'est-ce que description?

C'est vne oraison qui demonstre quelle est
la chose par son accident.

*Pour quoy est mis ce nom Tumeur, en la descri-
ption de Aposteme?*

Touchant Tumeur , Gentilis demandant
si le cerueau peut estre apostemé, dit que tu-
meur n'est pas chose essentielle d'Aposteme:
& le prouue par Auicenne au quatriesme ca-
non ou il dit: *Reperitur enim herispelas qui non
impellit.* Qui est à dire, que herispelas aucune-
fois n'a point de tumeur. Et cōme dit nostre
maistre Guidon : si telle tumeur ou inflation
est grande , elle est mise pour genre , & si elle
est petite, pour accident , selon Galien au pre-
mier des maladies.

*Pourquoy est mis en la description,
outre, ou contre nature?*

Outre nature, est mis à la différence des Tumeurs naturelles de la teste, du ventre, & des jointures: esquelles y a aucune matiere, cōme humorale, ou reducible à humeur.

*Pourquoy est mis, aucune matiere est
assemblée?*

C'est à la difference des inflations: apparentes, & dislocations & fractures, esquelles n'y a point de matiere, mais os esleuez.

*Pourquoy est mis, qui remplit &
estend le membre?*

A celle fin qu'elle demonstre la malle complexion, composition, & malle vnion, assés- blées ensemble.

*Dé quantes choses sont prises les differences
des Apostemes?*

De cinq: selon nostre maistre Guidon. Premierement de la substance de la chose. Secō- dement de la matiere. Tiercement des acci- dens. Quartement des membres. Quintemēt des causes efficientes.

Qui est la premiere difference?

Auicenne, dit que des apostemes les vns sont grans, & les autres petis.

Qui sont les Apostemes grans?

Apostemes grans selon les Grecz, *In de tu-*

moribus præter naturam, sont grandes inflations phlegmoniques, spécialement quand viennent en la chair. Car à cause de sa mollesse elle reçoit extention & grande quantité d'humeur, parquoy il s'y monstre tumeur grande & apparente.

Qui sont les petits Apostemes?

Apostemes petits selon Auicenne, sont petites pustules apparentes au cuyr, dites bothorales, à la semblance du brout de l'arbre quand elle commence à pululer en fucilles ou en fleurs.

Comment entendez vous la seconde difference, qui est de la matiere?

De la seconde difference parle Galien, & Auicenne l'ensuyt, qui dit, que tout aposteme est chaud, & non chaud en parlant de chaleur proprement, & non pas accidentalemēt comme disoit Auicenne, car putrefaction ne peut estre sans chaleur estrange.

Qui sont les Apostemes chauds?

Apostemes chauds selon nostre maistre Guidon, sont le sanguin, & le choleric. Et les non chauds, sont le phlegmatic, & melancholic: & l'aquatic, & veteux sont reduits à iceux. Toutesfois apostemes phlegmaticques & melancholiques pourris, peuvent estre chauds, non pas essentiellement, car la matiere de la

propre nature est froide, mais accidentellement, à cause de la pourriture.

Comment entendez vous la tierce difference qui est des accidens?

De la tierce difference qui est des accidens, sont prises plusieurs differences, selon qu'en elles plusieurs accidens peuuent apparoir, doreux & malicieux. Lesquelz accidens peuuent estre considerez selon les membres ou ilz sont, & selon la matiere dont ilz dependent. Et de ce parle Galien au XLVI. de ses pronostiques.

Comment entendez vous la quartie difference qui est des membres?

La quartie difference qui est des membres selon Galien *In secundo ad Glauconem*, est prise selon les differences des lieux ou viennent lesdits apostemes, comme recite nostre maistre Guidon. Car les vns sont au col, comme squinance. Les autres aux yeux, comme ophthalmie. Les autres aux esmonctoires, comme bubons. Les vns dedans, les autres dehors. Les vns es membres nobles & semblables. Les autres es non semblables. Les vns viennent en corps replet, & les autres en non replet.

Comment entendez vous la cinquiemesme difference, qui est des causes efficientes?

La cinquiesme difference qui est des causes efficientes, selon Halyabas, *Octauo sermone*, selon prinſes & les differences, lesquelles ſont de deriuation & cōgeſſion. Les vnes ſont cretiques, les autres non. Les vnes ſont faiſtes des causes de dedans. Les autres des causes de dehors. Et le Chirurgien ouurāt eſt tenu de ſcauoir les deuant dites eſpeces & differences, car d'elles ſpecialement ſont prinſes les indications curatiues.

Qui ſont les causes des apoſtemes, puſtules, & exitures?

Selon noſtre maistre Guidon, les vnes ſont generales, & les autres ſpeciales.

Qui ſont les causes generales?

Les causes generales ſont Reume, & congeſtion. Toutesſois Auicenne en la ſeconde Fen aſſigne vne autre difference des causes generales, quand il dit: *Apoſtematum cauſe, aut ſunt corporee, aut incorporee.*

Qui ſont les causes de Reume, & de deriuation de la matiere?

Les causes de Reume, & de deriuation de la matiere, iacoit que ſelon Galien *in primo de agitudine & ſymptomate* ſoyent pluſieurs. Toutesſois Haliabas les a ramenées à fix, à ſcauoir.

Ad membriſ expellentis fortitudinem, ad ſuſci-

pientis debilitatem. Ad materiae multitudinem, & meatuum portantium largitatem, & expellentiam stricturam. Et cum membrum suscipiens inferiori loco est situatum.

Il dit que la force du membre mandant, bouté la matiere à l'autre membre en expellant, car s'il n'estoit fort il ne la pourroit expeller au membre qui reçoit.

La seconde est la débilité du membre receuant, pource qu'il n'est pas puissant à expeller ce que contre nature luy est enuoyé. Et tousiours *Membra fortia expellunt superfluitates ad membra debilia.*

La tierce est, la quantité superflue, ou mauuaise qualité de la matiere, laquelle irrite, incite, & esmeut la vertu expulsive à expulsion. *Quia virtus expulsiva irritata, fortius expellit.*

La quarte est, la largesse des voyes qui sont entre le membre mandant & le receuant par lesquelles facilement peut penetrer la matiere à estre expellée.

La quinte est, la stricture ou estreasure du membre mandant : car à cause de la stricture du membre qui expellit, se fait mieux l'expulsion au membre qui reçoit.

La sixiesme, est la situation du membre receuant, lequel quand est assis en bas lieu, facilement reçoit les humeurs, lesquelles de leur

nature participent aucune gravité. *Quia de natura gravis est deorsum descendere, sicut de natura levis est sursum ascendere.*

Qu'est ce que derivation?

Derivation n'est autre chose que de l'acion d'humeurs Reumatilantes & descendantes d'un membre à autre.

Qu'est ce que congestion?

Congestion n'est autre chose que aggregation, ou essemblement d'aucun nourrissement, ou d'aucunes humeurs, lesquelles pour leur espesleur, ou par debilité du membre, ou par la naturalité desdictes humeurs moyennant chaleur estrange, se congregent & assemblent, & estendent le membre, & font en iceluy aposteme.

Qui sont les causes de la congestion?

Les causes de la congestion sont en ce, quand la vertu pascitive du membre ou est l'aposteme ne peut digerer le nourrissement qui luy est enuoyé, par plaine & parfaicte digestion, mais demeurent eu luy superfluites, & petit à petit multipliées, pour ce que la vertu expulsive du membre est aussi debile, & sont alterez, & corrompēt la chaleur naturelle, & par consequent est fait aposteme.

Quelle matiere Reumatise plus tost, la chaude ou la froide?

Selon nostre maistre Guidō, c'est la chaude, car pour la chaleur elle est plus subtile & fluxible. Et la froide est plus tost congerée.

Qu'est ce que cause faisant les Apostemes.

Selon nostre maistre Guidon, ce qui fait les apostemes, est la matiere antecedente qui decourt. Et c'estre fait, est la matiere conioincte qui est assemblée au lieu : *apostemata verò coniuncta non habent hoc, sed cum factis & fluxis reponuntur.* C'est à dire que les apostemes conioints n'ont point ce, mais sont remis avecques ceux qui sont faits & courus, laquelle chose Galien *In de inequali distemperantia* declare ainsi, *Mox, inquit, si rheuma calidum descenderit in musculum, primaque maiores venae, & arteriae implentur & extenduntur, deinde minores vsque ad minimas, & dehinc ad regiones primorum corporum, quæ sunt caro & panniculi, & sit apostema.*

Doncques la chose faisant, est la matiere antecedente es veines. Et la chose faite, est la matiere conioincte en la chair. Et ainsi apparoissent les causes generales.

Qui sont les causes speciales des Apostemes?

Les causes speciales sont trois, c'est à scauoir, primitiues, accidentales, & coniointes.

Qui sont les causes primitiues?

Les causes primitiues, sont cheute, percussio

ou frapement, & mutilation, desquelles parle Auicenne, disant: *Et primitiue sunt sicut casus, aut percussio, aut mutilatio.*

Qui sont les causes antecedentes?

Les causes antecedentes, sont les quatre humeurs naturelles, & non naturelles, & deux autres, à scauoir, aquosité, & ventosité.

Des humeurs naturelles sont faictes quatre especes de vrayes apostemes, lesquelles par nô commun *in secundo ad Glauconem*, sont appelées phlegmon, toutesfois par propre nom sont appellées Phlegmō, t̄icrisipelas, œdema, Schirofie, ou Zephiros.

Des non naturelles, sont faictes quatre especes de non vrayes, à scauoir pustules, & exiures qui acquerēt le nom des vrayes, & deux qui leur sont annexées, à scauoir, aqueuse, & venteuse.

Qui sont les causes coniointes?

Les causes coniointes des apostemes & pustules, sont les matieres, qui aux particules sont assemblées & incunées & congregées.

Qui sont les signes des Apostemes?

Les signes des apostemes extrinseques, appartenans à cest artifice, sont declarez par le sens & la presence d'une chascune particule: & en quelque lieu ou inflation outre nature, d'aucun humeur, ou matiere humorale ou

reducible à humeur, est assemblée en aucun membre: la est l'aposteme.

Qui sont les signes des Apostemes vrayes?

Les apostemes vrayes selon nostre maistre Guidon, sont signifiez par l'inflation, douleur & chaleur, graduez selon plus ou moins.

Qui sont les signes des non vrayes?

Les apostemes nō vrayes sont signifiez par l'inflation, sequestration, & male morigeratiō, determinez selon plus ou moins chauds.

Quelz & quants sont les temps des Apostemes?

Selon nostre maistre Guidon, les apostemes: ont quatre temps, à scauoir, le commencement, accroissement, estat, & declination.

Les signes du commencement sont quand la matiere imperceptiblement decourt, & le membre se estend.

Les signes de l'accroissement sont, quand la tumeur est plus grande & manifeste, & les accidens sont accreuz.

Les signes de l'estat sont, quand la matiere est flexée, & la tumeur si grāde que ne se peut plus augmenter sans soy alterer en autre forme, c'est à dire que ne se peut plus augmenter, fil n'y suruient de nouveau autres humeurs fluentes.

Les signes de la declination, sont quand la matiere se ressoluit & consomme, & quand

l'extention du membre se diminue.

*En quantes manieres se determinent
les Apostemes?*

Si les apostemes ne se retournent arriere, ilz sont finiz & terminez par lune des trois manieres : à scauoir par insensible resolution, ou par pourriture, ou par dureté. Er dit Galien *In de inequali diserasia* que la meilleure termination, est celle qui est terminée par resolution insensible, car elle est finie sans corruption des humeurs, & de la substâce du membre : & celle qui est finie par pourriture, est meilleure que celle qui est finie par dureté. Et celle qui se finist par dureté, est simplement male.

Les signes que l'aposteme est résolu, sont legereté & deffaillance de pulsation.

Le signe que l'aposteme est venu à suppuration & pourriture est, quand il y à pulsation, douleur, & accroissement de chaleur.

Le signe quand il est corrompu est, quand il y a noirceur, & liuidité, c'est couleur de plomb.

Le signe quand l'aposteme est putrifié, est diminution de inflation avec dureté.

Le signe qu'il retourne arriere, est diminution soudaine ou hastiue par froidure, ou par venenosité, à laquelle s'ensuyt sicure & mauuais accidens.

Quelles choses doit considerer le Chirurgien pour proceder à la cure des Apostemes?

Pour proceder à la cure des Apostemes, & de toutes autres maladies, le Chirurgien doit considerer premierement les choses naturelles. Secondement les non naturelles. Et tiercemēt les choses contre nature: Car comme dit nostre maistre Guidon en son chapitre singulier, s'il considere bien ces choses, facilement il cognoistra l'essence d'une chascune maladie & Aposteme: car les indications sont prises principalement de la chose contre nature, à scauoir de l'essence de la maladie, car c'est celle qui iuge & monstre de la remotion.

Qu'est ce que indication?

Indication n'est autre chose que vne intention, vn propos que le Chirurgien conçoit en son entendement de la maniere, par laquelle il entend curer aucune maladie.

Quātes intentions sont à la cure des Apostemes?

Selon nostre maistre Guidon il y a troys intentions à la curation des Apostemes.

La premiere est, oster la chose superflue qui decourt, & garder qu'elle ne face Aposteme. La seconde, est appaiser la douleur, & l'occasion pourquoy le membre reçoit & attire la matiere. Et la tierce, est guarir ce qui est ia fait.

La premiere intention, qui est garder que ne se face Aposteme, est accomplie par Galien, disant que quand les humeurs sont assemblees ensemble, & font repletion: elle est defendue par phlebotomie. Aussi si repletiō n'y estoit point quand il a chaleur, & douleur qui aguise le Reume & le flux du membre: elle est curee par baings grandement amples, & par exercices & trauaux, & par frottemens du membre contraire. Et si c'est vne humeur seule, elle est curee par purgatiō. Laquelle chose appartient à messieurs noz maistres.

La seconde intention, est accomplie avecques choses appaisantes douleur, qui rectifēt & amendent la malle qualite, & avecques choses qui restraignent la matiere du flux, & relaschantes par la partie pour ou le nombre a acoustumē d'estre purgé.

La tierce intention (qui est guarir ce qui est ia fait) est accomplie par choses qui euacuent la matiere du lieu, laquelle est accomplie par medecines diaphoretiques, ou par repercussives. Et aux Apostemes phlegmones on doit au commencement vsr plus de repercussives medecines, que de euaporatiues, fors les cas exceptez.

Qu'est ce que repercussion?

Repercussion n'est autre chose, qu'un re-

uoy d'aucune matiere fluante à autre membre, enuiron la partie mandante, ou enuiron autres parties du corps. Laquelle chose est faite avecques medecines reperculsiues.

Nam repellimus ex patiente particula materiam, si infrigidemus, & stipica apponamus. Galen. tertio techni. Et les reperculsifz propres selon nostre maistre Guidon, sont *Oxycratum*, *Plantago*, *Solatrum*, *Bolus Armenus*, & leurs semblables.

Transmission n'est autre chose qu'un renuoy d'aucunes matieres fluantes ou cōtenues en aucun lieu, à autres parties du corps; & cecy est fait avecques medecines largement dites Reperculsiues & confortâtes le membre.

Et fault que telles medecines soyent stiptiques en vertu, soit qu'elles soyent de complexion chaulde ou froide, car en assemblant les parties du membre, il est tellement conforté qu'il est puissant d'expellir la matiere. Et ainsi le dit Galien, *tertio Techni: Expellunt à se vasa, stipticis confortata Pharmacis*, car cōme disent les Philosophes. *Virtus unita est fortior seipsa dispersa.*

Les reperculsifz larges sont, *Albumen oui*, *oleum rosaceum*, & plusieurs autres qui alterent & desuoyent que le membre ne recoiue la superfluité.

Quelz & quants sont les cas exceptez aux reparsifsz propres?

Selon nostre maistré Guidon au commencement de toutes Apostemes phlegmonex, les repercuissifz sont competens, excepté en dix cas.

Le premier est, quand l'Aposteme est en esmonétoire.

Le second est, quand il est de matiere veneneuse.

Le tiers est, quand il est de matiere grosse.

Le quatriesme est, quand il est de matiere fort profonde.

Le cinquiesme quand il est cretique.

Le v i. quand il est de cause primitive.

Le v i i. quand il est en corps replet.

Le v i i i. quand il est en corps foible.

Le neuuiesme, quand il est pres de membre principal.

Le dixiesme, quand il est avecques tresgrande douleur.

Aux repercuissifz larges, sont seulement troys cas exceptez.

Le premier est quand l'Aposteme est en esmonétoire.

Le second est, quand il est par voye de crisis.

Le tiers est, quand il est de matiere veneneuse.

Quelle est la reigle generale de proceder a la curation des apostemes?

La reigle generale de proceder à la curation des Apostemes est, que au commencement de tous Apostemes phlegmoniques, fors les cas exceptez, soyent mis repercutifz. Et en l'accroissement soient meslez avec eux, peu à peu de resolutifz. Mais en l'estat, ou deuant l'estat, resolutifz & repercutifz soyent meslez esgallement ensemble. Mais en la dedination qui est la fin de l'estat, ne soit mis si non choses qui resoluent, & tiennent la partie lasche, (c'est à dire) que le flux durant, lon doit repercuter. Et iceluy cessé lon doit eua-porer moyennement : toutesfois la chose qui doit estre moyenne, c'est au cas que l'Aposteme voyse par voye de resolution.

Quelles & quantes sont les manieres de bouurier esdites apostemes.

Selon Gal au xiiij. de la Therapeutique, cõe recite nostre maistre Guidō, ilz sont trois.

La premiere est briefueté de curation.

La seconde, ouurer sans douleur. Et la tierce ouurer avecques les choses dessusdites sans fallace, & sans barat.

Sans fallace, comprend trois intentions.

La premiere est, que nous ensuyuons & venons à la fin de la cure de tout en tout,

La seconde est, que si à la fin ne pouons paruenir, au moins que la douleur & passion soit appaisée & ne nuysse au patient.

La tierce est, que facilement ne puisse la maladie retourner, & que si l'Aposteme va par voye de sanie, soit maturé, mundifié, incarné, & consolidé, & mené à la cure des vlcères.

Quantes intentions doit auoir le Chirurgien à ouurir vn Aposteme?

Selon nostre maistre Guidon le Chirurgien doit auoir sept intentions, ou conditions à ouurir vn Aposteme.

La premiere est, que l'incision soit faite au lieu de la matiere.

La seconde, que ladite incision soit faite au plus bas lieu.

La tierce, qu'elle soit faite selō les Rugues.

La quatriesme, que lon garde les nerfs, veines, & arteres tant que sera possible.

La cinquiesme, que la matiere ne soit par toute tirée subitement : specialement en grande exitures, car doute seroit de la vertu.

La sixiesme, que le lieu soit traité le moins douloureusement que lon pourra.

La septiesme, que apres l'ouuerture, le lieu soit mondifié, incarné, & consolidé.

ROLE CHAPITRE DES Playes.

Qu'est ce que Playe?



Laye, selon nostre maistre Guidon, est solutiō de continuité nouvelle sanguinolēte, sans pourriture, faite en partie molle.

Pourquoy est mis en la de finitiō, solutiō de cōtinuité.

Pour genre, c'est adire, pour nom general: car il contient plusieurs especes soubz soy, selon Auicenne *In secunda Fen. primi.* à sçauoir, playe, vlcere, scissure, pointure, exiture, incision, fracture, concussion, fissure, efracheure, & autres.

Pourquoy est mis en la definition, sanguinolente sans pourriture, & faiete en partie molle?

Sanguinolente sans pourriture est mis a la difference des vlceres qui sont avec sanie & pourriture. Faiete en partie molle, à la difference des fractures qui aduiennent es membres durs.

Qu'est ce que solution de continuité?

Solution de continuité n'est autre chose, que separation des parties integrantes aucun

membre, lesquelles selon nature doiuent estre vnies.

De quantes choses prennent leurs differences les especes de solution de continuité?

Les especes de solution de continuité, prennent leurs differēces tresgrādes, de trois choses.

La premiere difference est prise de la nature des particules, esquelles est faite ladite solution de continuité.

La secōde difference est prise de l'estre de la solution de continuité.

La tierce est prise des propres differences d'icelle solution de continuité.

Comme est entendue la premiere difference?

Galien Tertio Techni (ainsi que recite nostre maistre Guidon) dit que des solutions de continuité, les vnes sont faites es parties consemblables, & les autres es organiques.

Des parties consemblables, les vnes sont faites en parties molles comme en la chair, & la gresse. Les autres en parties dures comme en nerfz, es liens, arteres & veines.

Des parties organiques, les vnes sont faites es membres principaulx, comme au cœur au cerueau, & au foye. Les autres es membres seruans les principaulz comme en la trachee artere, mery, & vescie. Et les autres es membres seruans comme en l'œil, l'oreille, & tous les autres

tres (comme dit Albucra) différentes toutesfois selon les lieux , car les vnes sont en la teste, les autres au col, les autres en la poitrine, & autres. Aussi different selon les choses desquelles sont faites.

Comment est entendue la seconde difference?

Quant à la seconde difference ; qui est prise de l'estre de la solution , Galien *In tertio Therapeutica* (ainsi que recite nostre maistre Guidon) dit que l'une est simple & l'autre composte. La simple est celle ou qu'il n'y a nulle disposition compliquee. La composte est icelle en laquelle y a complication de deux ou de plusieurs dispositions non ayantes aucune raison, comme causes faisantes spécialement la playe, mais sans la remoratiõ desquel les ne peut estre obtenue sanation.

Comment est entendue la tierce difference?

La tierce, qui est des propres differences d'icelle solution , selon Galien *tertio Therapeutica*, est entendue comme de grandeur, de petitesse, d'equalité, de profondeur, & d'inequality, ou de superficialité, de droicure & obliquité de leurs semblables. Et de celles differences, sont princeps les indications & intentions curatiues, les aydes, la maniere avecques quoy sont acomplies. Et dict Galie *tertio Therapeutica*, qu'outre les indications

premières, fault considerer la substance d'une
chascune des particules, l'action, l'vtilité, & la
position, desquelles le Chirurgien scaura pre-
mier celuy qui est possible à curer, & ce-
luy qui est impossible à recepuoir santé.
Et considerera suffisamment de l'inuention
des aydes.

Qu'est ce que indication curatiue?

Indication curatiue, est deue notice, & co-
gnoissance de bien ouurer, laquelle est prise
de l'essence d'aucune chose bien cogneue du
Chirurgien.

Qui sont les causes de solution de continuité?

La cause de toutes solutions de continuité
selon Galien au second liure des maladies &
accidens, sont deux. Les vnes qui viennent de
hors, scauoir, les causes primitiues. Et les au-
tres d'iceluy mesme corps, à scauoir les ante-
cedentes & coniointes. Nonobstant les cau-
ses des playes, entant que sont plaies, sont tou-
tes choses qui sont disposees & conuenables
à pertuyser & concasser par dehors, comme
dit Halyabas.

Qui sont les signes & iugemens de playes?

Les signes des playes, ou de solution de
continuité, sont monstrés par la presence de
vne chascune playe. Mais les iugemens d'ice-
les sont cogneuz par la science de la substance
de

de l'action, & vtilité des particules, & de l'estre des dispositions, comme dit nostre maistre Guidon. Et pourtant dit Galien, in *tertio Therapeutices*, que les playes & solutions de continuité grandes & fortes sont grandement perilleuses.

En quantes manieres sont faites playes grandes & fortes?

Playes sont faites grandes & fortes, en trois manieres, à scauoir pour la principalité du membre malade, pour la malle morigeratiō de luy ou pour la grandeur de la disposition. Quant à la premiere, qui est pour la principalité du membre malade, dit nostre maistre Guidon, que les concussions ou playes qui sont faites en la teste, dedās la poictrine, & au vētre, sont grandement perilleuses, spécialement quand aucune chose du dedans est frappée.

Quant à la secōde qui est pour la malle morigeration de luy, dit nostre maistre Guidon, que les percussions ou playes, faites es jointures, sont en peu de temps de mauuaise morigeration, à cause des tendons, de nerfz: car là sont les perils de douleur, spasme, de despiēce, & autres mauuais accidens.

Quant à la tierce, toutes les playes qui sont grandes, & qui ont indigence de cousture, & qui sont par tout le trauers des muscles princi

paulx, & qui font cōcussion aux grandes veines, arteres, nerfz, & medulle, portēt grād peril.

Que signifie playe portant grand peril?

Par playe portant grand peril, est entēdu plac portant la mort de tout le corps, ou bien biē d'un mēbre particulier. Laquelle est priuation de vie ou de sentiment, ou de mouvement, & de la propre operation, par lesquelles choses ne sera plus appellé membre ne particule du corps proprement: mais denominatiuement & equiuoquement. Et d'icelles playes les vnes sont mortelles necessairement. Et les autres non necessairement, mais bien souvent. Et par l'opposiēte aucunes le plus souuent sont sanables du tout en tout, & aucunes pour la plus quād part.

Qui sont les playes mortelles necessairement?

Playes mortelles necessairement, selon nostre maistre Guidon, sont playes en la substance d'un membre principal, comme du cœur qui meurt tantost, car il ne peut souffrir solution de continuité, n'Aposteme chaud durant la vie, cōme dit Auicenne & Hippocrate. In vj. Apho. quand il dit: *Vesicam intisam, aut cerebrum, aut cor, aut diaphragma, aut epa, aut ventrem, aut renes, aut intestinorum aliquod gnicilium mortale.* Qui est à dire, si la vésie, est taillé e, le cerueau, le cœur, le diaphragme,

le foye, le ventre (*id est*) l'estomach, les reins ou aucuns des intestins subtilz : c'est chose mortelle. Et nostre maistre Guidon y adiou-est les playes grandes du poulmon, *trachea arteria, mēi* & de la bourse du fiel, & de tous les membres seruans aux membres principaux de seruice necessaire à la vie, le plus souuent sont mortelles.

Qui sont les playes mortelles non necessairement?

Playes mortelles non necessairement, mais souuent sont playes superficielles au dessus desdits membres, & penetrantes en la region d'iceulx : Playes penetrantes & pointures, qui sōt faites selon le bout de muscles, & à troys doigts des la iointure ou les nerfz, cordes & lyens, sont desnuez de chair, & les temples, le plus souuent sont mortelles. Et dit Galien *intertio Techni; Nervi verò & tendens punctura parata est aduocare spasmos.* Qui est dire, que les nerfz, & les tendons, pour la pointure qui est faite en eulx, est appareillée a prouoquer spasme, pour le sentiment qu'ilz meinent au cerueau. Et est ce que dit Hippocrates *in quinto Apho. In vulnere spasmus superueniens mortale, non necessarium, sed vt plurimū.* Qui est à dire si spasme suruient en playe, elle est mortelle non necessairement, mais bien souuent.

Aussi les membres particuliers sont iugez mortelz quand les veines principales & les arteres, par ou leur venoit la vie & le nourrissement, sont incisees & destruites, & comme cēt à noircir en maniere d'esthiomēus, comme en l'incision des bras & des iambes. Aussi les membres sont iugez impotés, quand les nerfs cordes & lyens, qui les gouuernent sont trachez, & du tout destruis.

Qui sont les playes guarissables?

Les playes guarissables, sont celles qui sont en corps non replet, & de bonnes humeurs, & en lieu charnu, & avec petit de veines & nerfs, & ou n'y ait pas grand capacité ne profondeur, & que soyent bien traitez & gouuernez artificiellemēt, & que le Chirurgien mette bonne diligence, & le malade soit obeissant & les choses qui luy sont necessaires de par de hors soyent bien ordonnees, alors peuuent estre curées lesdites playes. Et si non, elles peuuent occir le patient. Et est ce que declare nostre maistre Guidon en son chapitre singulier quand il expose le premier Aphor, d'Hippocrates : *Vita breuis.*

Quel est le terme du iugement des playes?

Il est iugé par nostre maistre Guidon ; que le dernier terme des playes est de quarante iours. Le premier, de sept iours, Le moyen,

quatorze iours, selon la forme des maladies agues. Le Chirurgien doit attēdre à despecher & iuger iusques à sept iours, car communement dedans ce temps ont accoustumé venir bons ou mauvais signes comme fieure, syncope, alienation, spasme, & leurs sen blables.

Quelle est la generale intention, en la curation de toutes solutions de continuité?

La generale, & plus commune intention de toutes solutions de continuité, est vnion, selon Galien, *tertio techni*, ainsi que recite nostre maistre Guidon. Et est l'indication premiere de tous cogneue de l'estre de la maladie qui commande oster le contraire par son contraire. Laquelle intētion generale est premieremēt parfaicte de deux choses, à scauoir de nature, comme du principal agent & ouurant avec ses vertus, & avec nourrissement conuenable. Aussi du Chirurgien, comme ministre qui œuvre, avec quē quatre ou cinq intentions ensemble subalternes.

La premiere cōmande oster les choses estrāges, s'aucunes en y a entre les choses diuisees.

La seconde commande amener ensemble les parties distantes.

La tierce commande conseruer les parties remplies, & ensemble amenées en vne.

La quarte intention est, garder la substance

du mēbre, & deffendre de douleur & aposte-
me, & autres accidens. Et la quinte, enseigne
corriger les accidens.

Comment est accomplie la premiere intention?

La priere intention (qui est oster les cho-
ses estranges, & contraires) est accomplie, si la
solution n'est past assez ouuerte, & si aucune
chose estrange estant entre les parties (com-
me esquile d'os separée) poinct & fait dou-
leur. Exemple, Si le cranc est rompu & les
os poignent la dure mere, s'ilz ne sont tost ex-
traits, sont cause de mauuais accidens, & con-
sequemmēt de la mort. Et si en aucune parti-
cule y a chose fichée, comme sayette ou espi-
ne: soit ouuerte la playe, & apres estre ou-
uerte suffisamment, soit osté ce qui estoit de-
dans legierement sans douleur avec les doigts,
ou avec pincettes, ou avec tenailles, ou avec
aucun autre engin qui se sera troucé par le
Chirurgien.

Comment est accomplie la seconde intention?

La seconde intention (qui est reduyre en-
semble les parties distantes) est accomplie,
en ioignant ensemble les parties eslongées,
& en traitant le mēbre le moins dolo-
reusement que lon pourra.

Comment est accomplie la tierce intention?

La tierce intention (qui est conseruer le

parties reduites) est accomplie, avec bonne & conuenable ligature, & deue situation, & par cousture s'elle est necessaires.

Comment est accomplie la quarte intention?

La quarte intention (qui est regarder la substance du membre & deffendre de douleur & d'Apostemes, & d'autres accidens) est accôplie en emplastrant, & en oignant le mēbre, avec subins d'œufs & choses froides, selon Rasis, es p̄miers iours: & puis avec vn gros stiptique & avec ouuertures & controuuertures & figure conuenable, en phlebotomāt & euacuāt, s'il est necessité, & avec bōne & artificielle diette.

Comment est accomplie la quinte intention?

La quinte intention (qui est de corriger les accidens) est accôplie selon la diuersité des accidens: car les accidens qui ont accoustumē venir en solution de continuité, sont douleur aposteme, malle cōplexion ou discrasie: fièvre prurit, spasme paralisie, syncope, & alienation. Et les playes ne sont point curées, iusques à tāt que les accidens soyent corrigez, car les accidens qui surmontent leur cause, changent l'ordre de la cure. *In primo ad Glauconem.*

Qu'est ce que discrasie?

Discrasie, mauuaise cōplexion, & mauuaise qualité, sōt nōs sinonimes, signifiās vne mesme chose, epelchās la cure & guarisō des malades.

Qu'est ce que spasme?

Spasme selõ nostre maistre Guidõ, est mouuement mauuais, venât en la vertu motiue uolũtaire, de disposition de maladie. Et sont trois manieres de spasme, à scauoir, de inanition, de repletion, & de compassion du cerueau.

Le premier d'inanition, est causé pour le grand flux, selon Hippocrates *quinto apho. Sanguine multo fluente*. Et la chaleur immodérée & pourriture liquefaetive. *In secundo apho.* quand il dit: *Febrem in spasmo melius est fieri quã spasimum in febre.*

Le second se fait par aposteme & inflations distemperees, selon Hippocrates ainsi que recite nostre maistre Guidon quand il dit: *Quibuscunque œdemata & frigiditates immoderate implentes & condensantes nervos.* Qui est à dire à quelconque œdemates, qui sont apostemes phlegmatiques, & froidures excessiues, remplissantes, lesquelles font deuenir les nerfs espés & durs.

Le tiers est pour la douleur: selon Galien, *In tertio Techni*, quand il dit: *Nervi & tendonis puncturam.* Et desdits spasmes, les vns sont uerselz qui sont faits quãd quelque nocument vient au cerueau. Les autres sont particuliers quand le nocument demeure au membre.

Qu'est ce que Paralysie?

Selon nostre maistre Guidon, Paralysie est mollification des nerfs, avec priuation de mouuement & sentement bien souuent. Et Paralysie est double, l'une est vniuerselle & l'autre particuliere.

Paralysie est dite vniuerselle, quand elle tiët tout le costé, & particuliere quand elle tient vn membre.

Paralysie differe d'Apoplexie, car Apoplexie est mollification de tout le corps. En telle maniere Paralysie est dite d'une partie ou moitié.

Qu'est ce que syncope?

Selon Galien au douzième chapitre de la Therapeutique, C'est subtil & agu dessaillement de vertu, qui à accoustumé d'ensuyuir euacuations non atten perées avec douleur.

Qu'est ce que Alienation?

Selon Galien au cinquième de maladies & accidēs & selon Auicenne au tiers canon, ainsi que recite nostre maistre Guidon. Tous mouuemens empeschez de vertuz regitiues, sont appelez alienations.

SOLE CHAPITRE DES Vlcres.



Vlcere (selon Galien au quatriesme de la Thera peutique, ainsi que recite nostre maistre Guidō) est solution de cōtinuité en la chair, en laq̃le est vne ou plusieurs dispositions qui empes-

chent la consolidation, en quoy (comme dit Auicenn.) sanie ou pourriture est causée. La definition est monstrée estre bonne & essentielle: car Solution de continuité est mise pour gendre, & les autres choses sont mises pour difference comme faire en la chair à la difference des corruptions des os, qui ne sont pas proprement vlcres, mais corruptions & aussi disruptions. Sanie & pourriture y est mis, à la difference les playes q̃ sōt sans sanie & pourriture.

De quantes choses prennent les especes des vlcres leurs plus grandes differences?

Les especes des vlcres (selon Halya. *Sermo ne septimo partis prima libri Regalis dispositionis*, ainsi que recite nostre maistre Guidon) prennent leurs grandes differences de troys choses, desquelles elles sont parfaites & compo-

lées à scauoir, des causes, des membres, & des accidens. Toutesfoys (selon Auicenne qui entre les autres, des vlcères a le mieulx traité) ie dy que les especes des vlcères sont prinse de deux choses, à scauoir des causes, & des accidens.

Qui sont les especes de vlcères qui sont prinse de causes?

Des causes, sont prinse cinq especes des vlcères plus propres & plus renommez, à scauoir Vlcere virulent corrosif, Sordide & putride, Cauerneux & profond, Fistulé & Chancere.

Qu'est ce que vlcere virulent corrosif?

Vlcere virulent corrosif, & vlcere ambulatif est celuy qui par sa malice & acuité, met hors virulence corrosiue, qui consume & degaste le membre en mortifiant.

Qu'est ce que vlcere sordide & putride?

Vlcere sordide & putride, est celuy qui par sa malice pourrist le mebre, en laissant viscosité, ou chair molle, ou plaine crouste puante, de laquelle est esleuée fumée puante, & charongneuse.

Qu'est ce qu'vlcere cauerneux & profond?

Vlcere cauerneux, est vlcere du quel l'entrée est estroite, & la profondeur large & non apparente, & en se desuoyât ça & la a plusieurs

voyes sans dureté & calosité.

Qu'est ce que fistule?

Fistule est vlcere profond & cauerneux avec calosité, & dureté de la partie du dedans, de laquelle sort souvent sanie virulente : & est ce que disoit Galien . *In de tumoribus præter naturam : Est autem fistula strictus & longus sinus similis aliis sinibus , contractionem, id est, duritiem patiens, à parte intrinseca. Et rursus apostemans, id est, emittens pus per influxionem superfluitatum.*

C'est à dire que fistule est estroite , longue & profonde : à la maniere des autres profonditez qui souffrent contraction, id est, dureté de la partie intrinseque : & apres met hors & pourriture pour l'influxion des superfluitéz. Fistule aucunesfois est close & ne iette rien, aucunesfois est ouuerte & iette hors liqueurs, & c'est selon la diette & purgation.

Qu'est ce que chancre vlcéré?

Chancre vlcéré, est vlcere apparent, rond, horrible, puant avecques leures grosses, dures, & nodeuses, enuersees, soubz leutes & cauerneuses : ayant couleur liuide & obscure, & environ, veines plaines de sang melancholique. Et est appellé cancer selon Auicenne pour vne de deux causes, ou pource qu'il ticot avecques le membre, comme le cancer se tiét avec celuy qui le chasse, ou pour sa forme qui

est rōde, & a veines à l'enuiron comme pieds de cancre : & a la couleur obscure comme cancre. Et y est adiouté par Henry, qui en accroissant il chemine comme celuy poisson.

Qui sont les especes & differences des vlceres qui sont prinſes des accidens?

Des accidens sont prinſes aucunes especes communes, qui sont trouuées en aucun degré diminué avec les playes : à ſçauoir, vlcere diſcratié, vlcere douloureux, vlcere avecques apoſtème, vlcere concuſſé, vlcere avec chair molle & ſuperflue, vlcere avecques dureté & obſcurité de leures, vlcere avecques os corrompu, vlcere avec varices, & vlcere de difficile conſolidation, avec propriété qui à nous eſt occulte.

Qu'eſt ce qu'vlcere diſcratié?

Vlcere diſcratié, eſt vlcere auquel malle qualité ou malle complexion hors nature, a domination ou ſeigneurie.

Vlcere douloureux, eſt vlcere auquel ſenſibilité de la choſe contraire eſt trouuée.

Vlcere, plain d'apoſtème, eſt vlcere auquel inflation hors nature eſt engendrée d'aucun humeur.

Vlcere avecques chair molle ſuperflue, eſt vlcere auquel chair marciſe hors nature eſt engendrée.

Vlcere avec dureté & obscurité de leures, est vlcere dur, & liuide enuiron, sans puâteur.

Vlcere avec os corrompu, est vlcere qui est trouué avec chair molle auquel la tente pentre legerement, & le trou est aspre.

Vlcere varisqueux, est vlcere auquel en la partie de dessus sont grosses veines & remplies, non naturelles, & abbreuantes celuy vlcere.

Vlcere de difficile consolidation, est vlcere avec propriété à nous occulter; qui sans cause manifeste ne peut estre consolidé, lequel vlcere selon Auicenne n'est pas putride corrosif, n'ambulatif, mais d'une disposition plaine, soy fermant & ouurant, & retournant souuent.

Qui sont les causes des vlceres?

Les causes des vlceres sont doubles, a sçauoir antecédentes, & coniointes. Car ilz n'ont point proprement causes primitives, cōme dit Dynus au quart de son canon. Et la raison est, car en la premiere aduenue, en desrompant la chair ne peuvent engendrer pourritures: Mais consequemment: car ilz peuvent mouuoir les antecédentes & incorporées.

Qui sont les causes antecedentes?

Les causes antecedentes sont la malice des humeurs, & trop grande quantité de celle qui peuvent corroder & rompre les particules du

corps : & sont engēdrées de la malice du regime, & du péché de tout le corps, ou d'aucune particule, à sçauoir du foye ou de la ratelle.

Qui sont les causes coniointes?

Les causes coniointes sont les malices des qualitez introduites es particules vlceres, venantes des causes antecedentes, & aussi des playes ou exitures, ou pustules ouuertes. Et dit nostre maistre Guidon, que cōme de formica & herperem est engendré vlcus corrosif, ainsi de carboncle & antrax, est engēdré vlcus sordidum, & des apostemes, vlcus profundum & caernofum.

Qu'est ce que sanie?

Sanie selō nostre maistre Guidon, est humidité alterée & putrifiée, engendrée de sang ou de chair contrite. Et est prinse sanie en deux manieres, à sçauoir propremēt pour celle qui est blanche & legerē, & louable, qui n'a point de pus. Largemēt est prinse pour toute l'humidité alterée hors nature. Et de cestes, est dit q l'une est subtile & appelée virus. L'autre est grosse, qui est dites sordēs. L'autre est moyenne & est dite simplement sanie.

Qu'est ce que virus?

Virus est supfluité subtile engēdrée de supfluité d'humēurs aqueuses, laquelle est double, à sçauoir chaude & froide, sereuse & rubicūde.

Qu'est ce que sordés?

Sordés est superfluité grosse, engendrée d'humeurs grosses, & est triple. L'une espesse, l'autre inégale, & l'autre caillée. L'une est blanche, l'autre est noire, & l'autre comme lie de vin, cendreuse. Aussi y a sanies qui sont superfluites dures & petites, au corps en maniere de sanies de poisson engendrées des humeurs nitreux environ l'ulcere. Crustes sont d'icelles mesmes superfluites, mais elles sont plus espesses & plus grosses, & sont engendrées au dessus des ulceres.

Qui sont les signes & iugemens des ulceres?

Les signes & iugemens des ulceres, sont congneuz par leurs definitions, & par les matieres decourantes: car quand vne playe ou enture iette plus quelle ne doit, il est iugé qu'elle viendra à ulcere. Aussi est iugé par Hippocrate sexto apho. quand il dit:

Quod vlcera quacunque annua, aut longius tempus habentia, necesse est os emitti, & cicatrices in sanas fieri.

C'est à dire que les ulceres qui sont faits d'un an, ou en plus grand temps, qu'il est nécessaire mettre dehors l'os, & estre fait cicatrice concave. Et selonc Auicenne in primo canon. fen. ij. & iij. est iugé que toute ulcere qui se tourne tost apres ce qu'il est remply de chair

est en voye de venir à fistule. Et dit ledit Avicenne, *in quarto canone*, que les vlcères durs tendentes à verdeur & noirceur, sont malles: & dit que les vlcères froids sont blanches & molles & sont en repos pour les medecines qui les eschauffent, & les chaudes declinent à rougeur, & se delictent à medecines qui les refroidissent. Les seiches & humides sont congneues par leurs effets. Les vlcères qui viennent de succession de maladies, sont de malle curation. Les vlcères qui iettent d'environ les poilz, sont malles. Les vlcères du bout des l'acertes, & qui sont es membres du dedans penetrantes, sont perilleuses. Vlcères rondes sont de tardive consolidation.

Quelle est la principale intention en la curation des vlcères?

La principale intention en la curatiõ des vlcères, entât que vlcere compost avec sa cause, est desiccation, selon Galien au quart de la Therapeutique. Donc la cure des vlcères (cõme telles vlcères composts avec telles dispositions) a trois ou quatre intentions spéciales.

La premiere est ordonner la vie.

La seconde est esgaler la matiere antecedente.

La tierce rectifier les accidens, & les dispositions coniointes.

La quarte commande que les dispositions ostees, ou reduise l'ulcere à la cure des playes concaues.

La premiere & seconde intention sont complètes, selon la nature de la matiere peccante engédree au corps, en la euacuant & destournant par seignéés, purgatiōs, cauterés, vomissements, & autres diuersiōs, en entrerompant le flux, en lyant, en epithimant, & en oignant avecques boliarmeni, & autres infrigidatifs stiptiques.

La tierce intention qui est de corriger & rectifier les accidens & les dispositions conjoinctes, est cōplète selō la nature d'iceux accidēs, ou des dispositiōs qui cōposent iceluy ulcere.

LE CHAPITRE DES FRACTURES DISLOCATIONS



Fracture (selō Galie au sixiesme de la Therapeutique) est dite selon la langue Grecque Algebra. C'est quelconque solution de continuité faite en l'os. Et (selon nostre langue Françoisē) est dite solution faite, non pas de quelconque chose, mais de chose cōtondante,

froissante, ou rompante.

Dont sont prises les especes & differences de fractures?

Les especes & differences des fractures sont prises de deux choses principalement, à sçauoir de l'estre de la fracture & de la nature des particules ou elles sont faites.

Qui sont les differences prises de l'estre de la fracture?

Les differences prises de l'estre de la fracture, sont deux à sçauoir la simple, & la composée.

Fracture simple selon Galien *sexto Therapeutica*, est double, car l'une est de trauers, & l'autre du long. Et de chacune d'icelles, comme dit Lanfranc, l'une est complete, en laquelle l'os est du tout rompu rondement. L'autre est nō complete, en laquelle l'os n'est pas du tout rompu, sinon que la moytié, ou aucune partie seule.

Fracture composée, l'une est avec playe, l'autre avec douleur, l'autre avec squille dure, l'autre avec Aposteme, l'autre avec equitature & nodation d'os mal consolidé.

Qui sont les differences qui sont prises de la nature des particules?

Albucrasis dit que des differences qui sont prises de la nature des particules, l'une est es-

os de la teste, l'autre en l'os du nez, l'autre en l'os de la machouere, l'autre en la furcule, l'autre es bras, & ainsi des autres ensuyuans. Et de celles differences sont prises les intentiõs de la cure.

Qui sont les causes des fractures?

Les causes des fractures sont cõme des playes à sçauoir de toute chose qui peut contondre & froisser les os, comme cheute, & frappemẽt & semblables.

Qui sont les signes & iugemens des fractures?

Les signes & iugemens des fractures (selon Hali. octauo sermone partiu prima sui libri dispositionis regalis) apparoissent au sentiment quand la main est mise sur le membre rompu, lon trouue les parties de l'os qui estoient ensemble, separées & diuisées, & la figure du membre non esgalle.

Il est iugé par Auicenne, que fracture de trauiers entiere, est de mal à appareiller. Fracture qui est pres de la iointure, est difficile. Fracture avecques douleur & Aposteme, & avec concussion de chair, & avec pieces d'os, est malle. Fracture avec playe & disruption, est difficile. La fracture d'autant qu'elle demeure plus a estre restaurée, elle est pire, & s'endurcist, & les spatiositez se remplissent de substance estrange.

Quantes sont les intentions que doit auoir vn Chirurgien pour proceder à la cure & reduction des fractures?

Selon nostre maistre Guidon, le Chirurgien doit auoir plusieurs intentions, & selon Galien au sixiesme de la Therapeutique. Et Auicenne à la cinquiesme fen. de son quart canon, Il y a quatre intentions principales à la cure des fractures. La premiere est, l'esgallement de l'os. La seconde, conseruation de l'os esgal. La tierce, liement avec le pore. Et la quarte corriger les accidens. Et pour accomplir lesdites intentions, sont premis sept enseignemens necessaires ausdites operations.

Le premier, est que deuant toutes choses, les choses qui sont necessaires à la reduction, soyent prestes, à sçauoir, Le lieu conuenable, bons seruiteurs, aubins d'œufs en bonne quantité, & huylle rosat, & draps baignez dedens. Estoupes souefues bien charpies, Astelles plaines & legeres, de aubier, ou de boys de gaignes d'espées, de corne, ou de fer, longues selon le membre. Apres (sil est necessaire) que lon ait petits canons liez avecques cordelettes: & singulierement tant que seront necessaires selon la lōgueur du membre: puis apres que lon ait *cunabulum*, ou aucune chose semblable, ou *suspensorium*, auquel le membre plain-

ment & fermemēt soit situé & assis : En apres le liēt de almatricis ou se gise , & sil est necessaire soit pertuisé pour asseller, finalement corde soit pēdue sur son liēt ou autre chose à soy asseller & appuier, quand il voudra soy dresser ou tourner.

Le second enseignemēt est de l'esgallemēt. Pource faire soiēt deux seruiteurs, & l'un tiēne tire le membre d'un bout, & l'autre de l'autre droictement, que les apparēces ne soyēt froissées : Et conuenablement avec les mains soit reduit, ou avec instrumens.

Le tiers, est de la conseruation, qui par ligature & par situation soit faite facilēmēt, & sans douleur.

Le quart enseignement est, que au cōmencement on mette astelles legeres, ou aucune chose au lieu d'elles, non pas à restraindre, mais tant seulement à soustenir.

Comment sont completes lesdites intentions?

La premiere est cōplete à esliēdre deuēmēt le membre, & esleuer l'os deprimé, & abaisser l'os esleué sans douleur, iusque à ce q̄ les cheffes des os soyent ramenez en leur naturel estat.

La seconde, est complete avec deue & competente ligature, & appodiation.

Comment est accomplie la tierce intention?

La tierce est cōplete en ce que apres le dou-

ziesme ou quinziésme iour, quand la matiere du pource commencera à venir (laquelle chose lon apperçoit par l'appaisement de la douleur, & par prohibition de l'aduenement de l'aposteme, & par bonne couleur du membre) la ligature soit desliée; & le membre soit lauë avec eue chaude, & si aucune chose est à reparer, soit réparée.

La quarte est complete selon les accidës qui y sont: à scauoir s'il y a douleur ou aposteme, deuant toutes choses, soit deslié le membre & avec huille, vinaigre, & autres remedes conuenables soit appaisée la douleur, & ne soit lyé ne mis astelles sinon à soustenir le membre, & à tenir les medecines iusques à tât que soit appaisée la douleur.

LE CHAPITRE DES DISLOCATIONS.



Dislocation (selon Auicenne & Albucrasis, ainsi que recite nostre maître Guidon) est issue de os, de son propre lieu naturel, auquel il est conioint.

En quantes manieres est faite la coniuñction des os?

En quatre. L'une est ferratile, comme en la commissure du crane. L'autre est infixiue, cōme es dens. L'autre apodiatue, cōme en la table de la poitrine. L'autre est ligatiue, cōme de la pixide, & du vertebre: à l'endroit desquelles iointures aduient propre dislocation, mais en l'endroit des autres nō, mais mouuement & ouuerture qui n'est pas proprement dislocation, mais largemēt, cōme dit Lāfranc.

Dont sont prinſes les eſpeces & differences des diſlocations?

De deux choſes principalement, à ſcauoir de l'eſtre des diſlocations, & de la nature des particules ou elles ſont faites.

Qui ſont les differences prinſes de l'eſtre de la diſlocation?

Deux, à ſcauoir la ſimple, & la compoſte. Des diſlocations ſimples, ſelon noſtre maĩſtre Guidon. L'une eſt cōplete, en laquelle l'oſ ſort du tout de ſa ioincture, laquelle eſt dite vraye diſlocation. L'autre eſt incomplete, en laquelle il ne ſort pas du tout & eſt dite d'Auicenne declination & contortion. L'autre en laquelle l'oſ ne ſort pas de iointure totalement, mais eſt ſeulement eſlongné le ligament, eſt appellée Gaben.

Diſlocations compoſtes, l'une eſt avec fra-
cture, playe, douleur, & Apoſtème: Et l'autre

avec durezza. De ces differēces sont prinses les indications curatiues. Des particules ou elles sont faites, il est commun.

Quantes manieres y a il de dislocations?

Quatre, à scauoir, dehors, dedans, deuant, & derriere.

Qui sont les causes des dislocations?

Les vnes sont extrinseques, comme cheute, & frapement, & incōuenable extention. Les autres intrinseques, comme humeurs muscila-gineuses contenant la iointure.

Qu sont les signes & iugemens des dislocations?

Les vns sont prins des choses de soy adioustantes à la substance comme de la composition peccante, laquelle a eminence, & concuité non accoustumée. Les autres des choses adioustées aux accidens, cōme de la douleur, lesquelz signes sont veuz par comparaison à la pareille iointure saine. Il est iugé par Auicēne, que les dislocations compostes avec playe, douleur, & Aposteme, sont difficiles & perilleuses. Apres dislocation vieille & endurcie est difficile, & aussi comme impossible à curer. Apres dislocations different selon les iointures, esquelles sont faites: Car aucune iointure est de facile & legere dislocatiō, & de facile reduction comme la iointure du poulce.

L'autre est plus difficile, cōme la iointure du pied, & des doigts. L'autre est moyenne, cōme la iointure de l'espaule, & de la hanche. La dislocation en laquelle sont rompuz les marges des concauitez des os, est tresmalle.

Quantes sont les intentions en la cure des dislocations?

Selon nostre maistre Guidon, il y a quatre intentions. La premiere est, la reduction de iointure. La seconde, firmation & conseruation de la iointure reduite. La tierce, deffendre l'Aposteme & douleur. La quarte, corriger les accidens.

Comment sont completes les dites intentions?

La premiere intētion est complete à estendre le membre & la iointure, & bouter l'eminnence, ou apparence, & remplir la concauité souefuement, & sans douleur selon qu'il sera possible.

La secōde en ce qu'apres que la iointure sera reduite, soit oingt le lieu avec huile rosat, & mis par dessus vn drap prin, baigné en icelle huyle, & espreint & soyent appliquées estoupes, ou draps-plyez en plusieurs plys, baignez en aubin d'œufs, & autres choses necessaires.

La tierce intention, est complete avec seignée & purgation, sil est necessaire.

La quarte intention, est complete selon les

accidens, fil y a douleur, ou aposteme, que premierement soyent appaisées que le membre soit reduit, car pour le tirement du membre lon se doyt douter de spasme, & mauvais accidens.

LE CHAPITRE DE PHLEBOTOMIE.



ELON, que recite nostre maître Guidō, plusieurs auteurs ont en plusieurs manieres desfiny Phlebotomie. Premièrement Galien au cōment xlvij. du yj. des Aphorif. sur l'aphor.

Quibuscumque rena scilio, dit: Phlebotomia est commune auxilium agnitudinum plethoricarum.

Et Arnould de ville neufue, *in libro de opere particulari.* dit, que phlebotomie est incision de veine, par laquelle est faite euacuatiō de sang, & par consequent des autres trois humeurs decourantes avecques iceluy sang, faite à l'intention de santé. Et Auicenne au iij. fen du premier liure, xx. chapitre, dit que c'est euacuation vniuerselle, euacuant multitude d'humours. Et Galien au liure de phlebotomie, dit, que c'est euacuation vniuerselle, pour trois raisons.

La premiere, pource qu'elle euacue indifferemment de toutes humeurs, sans auoir regard à l'une plus que à l'autre.

La seconde, pour ce qu'elle euacue de tout le corps. Car comme lit nostre maître Guidon en son anatomie, toutes les veines ont colligance les vnes avec les autres, car quand vne veine est euacuée, les autres le sentent.

La tierce, pource qu'elle est remède singulier, & vniuersel pour les maladies qui viennent de plénitude, selon ce que dit Hippoc. au second des Aphorism. aphor. xxiiij. *Quæcumque agri tudines ex plenitudine sunt, euacuatio sanat*, qui est à dire que les maladies qui sont faites de repletion, sont curées par euacuation. Et Galien au commencement dudit aphorisme dit: *Phlebotomia est medicina vniuersalis omni passioni de plenitudine*, Qui est à dire, que phlebotomie est medecine vniuerselle à toutes passions de repletion.

Pourquoy est mis en la definition, incision de veine?

Il y est mis, à la difference des arteres, car incision d'artere n'est pas dite phlebotomie, mais section ou artériotomie.

Pourquoy est mis euacuant le sang?

Par ce qu'en icelle euacuation sont nécessaires deux conditions. La premiere est que

Teuacuation soit faite artificiellement, & ainsi sont excluses les euacuations naturelles, comme flux de sang du nez, & du sang menstrual, & des hemorroïdes faites par nature. La seconde, que soit faite pour conuenable fin, par ce sont excluses les euacuations de sang qui ne sont faites pour la conseruation de santé, ne pour la cure des maladies, mais pour la destruire, & faire plus grandes maladies, comme vn coup d'espée, de pierre, ou de baston.

Pourquoy est mis, euacuant les autres humeurs?

Pource que, comme dit Galien en vn exemple qu'il baille. Tout ainsi qu'en vn conueue faut diuersité de viandes, pour les diuers appetis des assistans, tout ainsi faut il que les veines contiennent les autres humeurs avec le sang, qui est comme banquet aux membres qui sont diuerse nature, affin que chascun attire son propre aliment, & est ce que disoit Galiē au liure de *utilitate particularum*, au xxvj. chapitre. *Nihil est purum in corpore humano.*

Quelle euacuation est plus seure, phlebotomie, ou medecine laxative?

Le respons selon Galien en son liure de phlebotomie, que phlebotomie est plus seure, car on la restrainct quand on veut, & non la medecine: car depuis qu'elle est prinse, il faut

qu'elle face son operation.

*En quantes manieres se doiuent ouvrir
les veines?*

Selon Albucrafis, En trois, à scauoir, les grosses & communes selon le long. Les petites & particulieres selon le trauers. Et celle qui est au bout du nez, en maniere de pointure sans faire leuée.

Peut on seigner l'artere.

Ie dy que ouy, selon Galien, à scauoir celle des temples, & derriere les oreilles, mais pource qu'elles sont plus difficiles à consolider, nous ne les seignons point, si ce n'est en grande necessité, car elles sont de plus difficile consolidation que les veines, pour trois raisons. La premiere, pour ce qu'elles sont en continuel mouuement: & cōsolidation a besoing de repos. La seconde, pour ce que en elles est contenu que le sang vital qui est plus subtil que le venal, & pource peut passer par plus subtilz pores, & plustost exhaler, que le nutritif ou venal. La tierce, pource qu'elles sont composées de deux tuniques fort seiches: & consolidation a besoing de humectation & viscosité.

*A quoy congnoist on que l'incision
doit estre grande ou petite?*

Il faut diuersifier selon le temps, la region

la vertu, & la condition de l'humeur qui en hyuer est plus grande que en esté, en septentrion plus qu'en midy: & quand la vertu est forte & l'humeur grosse, il faut faire grande incision, afin que ce qui est nuisant, soit euacué. Et aussi quand la vertu est debile, & l'humeur grosse, on peut faire grande incision ou petite, & frequente extraction de sang. Et la raison pourquoy il faut faire grande incision quand l'humeur est grosse, car si on faisoit petite incision, le subtil & bon sang sortiroit, & le gros & corrompu demoureroit, & pourroit faire plusieurs maladies. Mais si la vertu est debile & l'humeur subtile, il faut faire petite incision, afin que se face moindre resolution des esprits, auxquels sont fondez les vertuz du corps humain.

Pour quantes intentions est faite phlebotomie, vtile & profitable.

Suyuant la doctrine de nostre maistre Guidon, phlebotomie est faite vtile & profitable pour six intentions.

A scauoir pour euacuer, pour diuertir, pour attirer, pour alterer, pour preseruer, & pour aliger.

De la premiere qui est pour euacuer, parle Galien en son liure de phlebotomie (ainsi que recite nostre maistre Guidon) en repre-

nant les methodiques, lesquelz tenoyent que la phlebotomie ne seruoit qu'a euacuer la multitude des humeurs: & dit que non seulement elle est faite pour la multitude, mais bien souuent est faite pour l'intemperance de la maladie sans multitude, car il dit: *Incipiente phlegmonico apostemate ex percussione, phlebotomia est utilis, vel prater ingentem dolorem.*

Comme commençant phlegmon, ou attendant iceluy pour aucune concussion ou douleur, lesquelles choses pourroyent estre cause d'induyre debilité en quelque membre, iacoit qu'il n'y aye point grande repletion, toutesfois il se pourroit faire aposteme si n'estoit moyennant la phlebotomie. Et est prise l'intemperance de la maladie (par Galien) selon trois choses, à scauoir la premiere selon la principalité de la partie blessée: comme en Apoplexie en Squinance qui sont en parties necessaires à la vie. La seconde, selon la grandeur de la maladie, ou disposition comme vne grande playe ou vn grand vlcere.

La tierce, selon la mauuaise qualité ou morigeration ou venenosité de la matiere: comme Carboneles, Antrax & Estiomenus, & autres: car en toutes ces choses (comme dit Galien) peut estre faite phlebotomie.

De la seconde intention qui est de diuertir,
parle

parle nostre maistre Guidon, disant que phlébotomie est aucunesfois prinse comme euacuatue, aucunesfois comme anticipatiue, c'est à dire diuersiue. Diuersion n'est autre chose qu'euacuer, diuertir & attirer le sang & les autres humeurs courantes avec le sang, faite par la partie contraire à la partie malade, & doit estre faite par la partie plus facile.

Quatre conditions sont necessaires à faire bonne diuersion.

La premiere, que la diuersion soit faite de la partie contraire: & ne faut pas entendre qu'elle soit contraire de tous diametres.

La seconde, que la diuersion soit faite de la partie patiente à vne autre particule ayât colligance avecques la particule patiente.

La tierce que soit faite selon catarzin, c'est à dire selon rectitude, & non trespasant deux diametres, comme nous enseigne Galien au cinquiesme liure de la Therapeutique, quand il dit: Si la narille dextre seigne immoderément; soit faite phlebotomie du bras dextre, & si la fenestre, au bras fenestre: ce qui est aussi confirme par Hippocrates, au cinquiesme des aphorismes à l'aphorisme viij. la ou il dit: *Posteriora capitis dolentia venam frontis aperire summopere iuuat.*

La quarte, que diuersion soit faite d'une

particule à l'autre, entre lesquelles soit conuenable distance. Et toutes ces conditions sont verifiées quand nous appliquons les ventouses souz les mammelles pour diuertir de flux du sang menstrual.

De la tierce intention qui est de attirer, parle Hippocrates au cinquiesme des aphorismes à l'aphorisme trentedeuxiesme quand il dit *Mulierì sanguinem vomenti menstruis superuenientibus solutio fit.* Qui est à dire que si vne femme vomit le sang cru & les menstrues luy viennent, elle ne vomit plus. Et à ce propos dit maistre Pierre de argilata en son chapitre de phlebotomie, que quand nous voulons attirer & prouoquer les menstrues aux femmes, il conuient faire phlebotomie du pied, ou appliquer ventouses avec scarifications aux cuisses, & telle phlebotomie est faite pour attirer.

De la quarte intention qui est de alterer, parle Galien au ix. de la Therapeutique & au comment xxiiij. du premier des aphorismes, disant qu'il ne conuient pas coniecturer les choses qui yssent pour leur multitude seulement: car comme dit nostre maistre Guidon: Seignée ceuvre hastiuement iusques à refrigeration de toute la disposition, & esteint la fièvre ainsi comme s'elle occisoit: c'est que

nous seignons aucunes fois pour refroidir, comme en fièvre pour la restreindre, & icelle phlebotomie est dite alteratiue.

De la cinquiesme intention, qui est pour preseruer, parle Auicenne en la quarte fen de son cinquiesme liure au chapitre de concussion, la ou il dit que le plus souuent en concussion grande, n'est point trouuée d'excusation de phlebotomie, mais qui plus est les œuvres de l'art commandent faire phlebotomie, afin que le aduenement de phlegmon soit defendu, iacoit que le corps ne fust point replet. Et dit maistre Pierre de argilata, que celle phlebotomie est dite preseruatiue des membres, pour l'aposteme qui y pourroit suruenir, veoyant la concussion en iceluy : car comme dit nostre maistre Guidon, meilleure chose est faire la seignée deuant qu'attendre plusieurs accidens. Et aussi dit Galien en la premiere doctrine, à la somme seconde au ij. chap. qu'il a preserue plusieurs avec phlebotomie, qui auoyent acoustumé estre malades tous les ans, comme podagres, artetiques. Doncques il vault mieux anticiper comme dit nostre maistre Guidon.

De la sixiesme intention qui est de allegger, parle Galien en l'vnzieme de la Therapeutique au quinziesme chapitre vers le milieu se-

lon que recite nostre maistre Guidon, quand il dit, qu'il n'est pas seulement conuenable faire phlebotomie en fièvre sinoque, qui est à dire de sang, mais en toutes autres, ou pourriture d'humeurs seroit se l'aage ou la vertu ne la deffendent : car quand nature, qui gouuerne noz corps, est allegée & nettoyée de ce qui luy griesue comme celle qui auoit vn grand faiz, elle a plus legerement domination au demourant, & par ainsi digere ce qui peut estre digeré, & boute hors, qui peut estre bouté, selon ses propres actions & œuures.

Qu'est ce que diametre?

Par diametre i'entens disposition du corps & ainsi nous auons trois diametres, à scauoir Selon la longitude, comme de la teste aux piedz, Selon la latitude comme de la partie dextre à la senestre, Et selon la profondeur come de la partie de deuant à la partie de derriere. Et de ces diametres, le diametre selon la longitude est le plus distant & plus grand, & apres le diametre selon la latitude, & le moindre est le diametre selon la profondeur, & cecy est verité des diametres de tout le corps & non des particules.

A scauoir si diuersion peut estre faite par deux diametres?

Il me semble qu'il n'est pas chose conue-

nable de faire diuersion par deux diametres complets & parfaits , entre lesquels il y a grande distance , comme si la maladie estoit en la partie dextre de la teste , & on faisoit phlebotomie du pied senestre. Et la raison est, car deuant que nous diuertissions de la partie, seroit chose necessaire faire tresgrande euacuation, de laquelle la vertu seroit grandement debilitée. Mais en cas que nature soit grande & le corps pletorique , nous pourrons faire phlebotomie selon vn diametre complet & parfait, lequel a grande distance, à scauoir selon la longitude du corps: comme de ceste partie dextre de la teste, nous ferions phlebotomie du pied dextre.

Quantes choses sont requises enuiron celle noble ayde auant que elle puisse estre faite & celebrée?

Galien en son liure de phlebotomie fait cinq questions touchant ceste matiere.

La premiere, *Qui sont ceux qui ont besoin de phlebotomie.*

La seconde, *Qui sont ceux qui sont preseruez par phlebotomie.*

La tierce, *Qui sont ceux qui la peuuent soustenir.*

La quarte, *par quelles veines elle doit estre faite.* Et la cinquiesme est de la mesure de la

phlebotomie, du temps, & du régime d'icelle. Touchant la premiere suyuant la doctrine de nostre maistre Guidon, il est monstré que la pletion du corps (selon Auicenne à la deuxiesme fen de son premier liure en la quatriesme doctrine au sixiesme chapitre) est double: à scauoir. Repletion selon les vaisseaux, qui est à dire en quantité: & Repletion selon la vertu qui est à dire en qualité. Repletion selon les vaisseaux, ou en quantité, est celle, en laquelle iacoit que les humeurs soyent bonnes, toutesfois il en y a grand quantité au corps tellement que les vaisseaux, qui sont les veines, sont remplies & estendues plus que n'appartient pour le nourrissement des membres. Repletion selon la vertu, est celle, en laquelle, iacoit que les humeurs en leur quantité ne soyent point superflues, toutesfois à cause qu'elles excedent en leur qualité comme quand elles sont trop chaudes ou trop froides plus que elles ne doibuent, elles donnent nuysance au corps: & ceste disposition est appelée de noz maistres cacochimie, c'est à dire male disposition d'humeurs peccantes en qualité. Doncques en tous ces cas peult estre faite phlebotomie: toutesfoys plus proprement, & copieusement peut estre faite en repletion selon les vaisseaux, que messieurs noz mai-

stres appellent pletore : car la vertu est plus forte que quand les humeurs pechent en qualité. Neantmoins pour ladite raison, à scauoir qu'il n'y a medecine qui puisse euacuer toutes les humeurs, comme fait phlebotomie, pourtant elles est dite euacuation appropriée aux humeurs qui pechent en quantité.

Touchant la seconde question, à scauoir qui sont ceulx qui sont preseruez avec icelle phlebotomie? En ensuyuant nostre maistre Guidon, sont ceulx qui souffrent la repletion, spécialement des vaisseaux; c'est à dire des veines: car sont les lieux & receptacles du sang & des autres humeurs, spécialement naturelles. Et est ce que dit nostre maistre Guidon par l'autorité de Galien, *Incombento dolorum oculorum*: Et dit Galien, que nous debuons regarder si les humeurs sont acrués esgallement: car si du sang est faite repletion, à ceste heure est faire phlebotomie. Et si c'estoit vne seule humeur crüe on doit bailler medecine solutue d'icelle humeur; toutesfoys appartient à en discerner à noz maistres.

La tierce question est: Qui sont ceux qui peuvent soustenir celle phlebotomie? Selon Galien au vnziesme de la Therapeu, ainsi que recite nostre maistre Guidon, ce sont

ceulx qui ont la vertu forte, & les veines amples & grosses, & qui ne sont pas d'habitude trop maigre, & qui n'ont pas la couleur blanche ne la chair trop molle : ceulx qui sont disposez au contraire, ne la peuuent soustenir sainement, car il ont peu de sang, comme sont gens qui ont la couleur de la peau blanche, maigres, debilles de vertus, & ceulx qui ont les veines estroites & petites. Et selon ceste intention, ne doibuent point estre seigneur les enfans deuant quatorze ans, & les vieux oultre septante. Et selon iceluy mesme Galien comme il est prins par Rabymose in. j. ad *Glauconem*, ceulx qui n'ont accoustumé d'estre seigneur, ne peuuent soustenir la phlebotomie. Et ceulx qui ont l'estomach debile, gens crapuleux, gouluz & yurongnes qui digerent mal. Et Hippocrates au 5. de ses apho. excepte les femmes grosses, quand au premier & dernier moys, toutesfoys iagoit ce que plusieurs indications concurrent en telle phlebotomie ainsi que recite Arnauld de ville neufue, en son liure des considerations des operations de medecine. Toutesfois ces choses deuant dites se doiuent entendre de seigneurie electiue & non pas necessaire : car aucunesfoys nous seignons les enfans deuant quatorze ans comme reci-

te Auanzoar , qui seigna son filz à troys ans, & aussi gens qui sont fort maigres nous les seignons. Toutesfoys Galien au neuuiesme de la Therapeutique (ainsi que recite nostre maistre Guidon) dit, que la principale intention est prise de la vertu: car plusieurs par la foyblesse de la vertu, sont peris par phlebotomie, & pource necessaire chose est en chascune ceuvre regarder la vertu, toutesfoys ce appartient à messieurs noz maistres, ausquelz les intentions sont requises.

La quatriesme question est, par quelles veines doit estre faite phlebotomie. Selon Halyabas *In nouo sermone partis secunda Libri regalis dispositionis*, Les veines seignables sont trente troys, desquelles les douze sont es bras, & treze en la teste, & huiet es pieds, iacoit qu'il y aye grande diuersité de nombre entre les docteurs, toutesfois la commune opinion de nostre escole de Paris tient qu'il y en a quarante seignables.

Premierement depuis la furcule en montant à mont en y a dixhuit, dont la premiere est au milieu du front, appellée præparata, & selon les docteurs est seignée pour les maladies du chef, & pour aucunes anciennes maladies, dont men rapporte à messieurs noz maistres, car à nous n'appartient considerer

icelles maladies. Derriere les oreilles en a deux nommées aspicientes. Aux temples en a deux nommées temporales. Aux anglets des yeulx en a deux, vne au bout du nez. Aux genciues en a quatre, deux dessus & deux dessous, Deux soubz la langue, appellées rances. Vne entre la leure & le menton. Deux au col qui son appellées guides ou originelles pource qu'elles sont origines des veines qui montent à mont. Et toutes celles cy sont dessus la furcule.

20. Au dessous en y a vingt & quatre, scauoir quatre en chascun bras. La cephalique qui est la plus haute, & a la naissance de la veine guide soubz l'oreille.

21. La seconde est appellée nigra purpurea, ou mediana, tant à raison de sa position, que de sa condition.

22. La tierce est appellée basilique, hepaticque, ou iecoraria: & à la naissance de la veine kilis.

La quarte est appellée basse veine du foye ou veine de la ratte: laçoit qu'elle fust plus proprement appellée splenectique au bras senestre pource que le spleen de ce costé, non pas qu'elle aye son origine d'elle, mais pource qu'elle naist d'une veine qui est enuoyée du foye à la ratte. En chascune main en a trois, qui sont six, à scauoir la cephalique oculaire, entre pollex

& index: & a la naissance cōme la cephalique du bras. La veine dite mediane, entre le doigt appelé medi^{us} & le medicus. La sauatelle entre le medicus & l'auriculaire: façoit qu'elle fust plus propremēt appelée splenetique, au costé fenestre, cōme nous auōs dit. Deux aux costez du ventre entre les hanches & les flans, lesquelles ont leur naissance d'un rameau de la veine cōcaue. Deux au plat des cuisses en la partie domestique: & ont leur naissance de la veine cōcaue. En chacun pied en a trois, qui sont six, à sçauoir la saphene dessous la cheuille du pied par dedans, la sciatique par dehors, la proplectique sur le pigne du pied.

Touchât la cinquiesme question, qui est de la mesure de la phlebotomie, en ensuyuant nostre maistre Guidon par l'autorité de Galien en son liure de phlebotomie, & au tiers de la Therapeutique. Je dy, qu'il n'est pas possible escrire es liures, & aussi ne se peut expliquer par langue, la certaine quantité des choses medecinales, car l'art de medecine nous montre la quantité estre coniecturatiue, comme dit Galien au liure des euacuations. Nonobstant, cela appartient à messieurs noz maistres.

De la sixiesme question, qui est de l'heure ou temps de la phlebotomie. Je dy, selon Auenenne que phlebotomie a double heure, a sça-

voir vne de necessité, & l'autre d'election. L'heure de necessité est celle en laquelle conuient que soit faite phlebotomie, & ne peut estre retardée: & lors la chose qui la deffend ne doit point estre attendue absolument & du tout, sinon (comme dit Arnould) si la chose qui la deffend, ne donoit plus grand nocumēt que aide, & ce nocumēt sera corrigé en la permuant en autre euacuation, comme en vn enfant pletoric, on feroit scarification au lieu de phlebotomie.

L'heure de l'election est entendue selon la racine basse, & superieure. La racine basse est entendue & cōsiderée selon Galien & Auicēne en ce, que la viande soit digeste au ventre, & la superfluité boutée hors. Et de la seconde heure du iour iusques à tierce, & le iour soit reposé & cler, non trouble ne pluuieux, le tēps soit de yuer ou d'autōne: si ce venoit en yuer, lon esliroit iour quand le vent de midy court & telles choses sēblables. La racine superieure est entendue en ce que la lune ait bonne lumiere, de sept, ou de neuf, ou de vnze iours en montant. Et de dixsept, de dixneuf ou vingt & vn en declinant, en euitant la conionction & opposition, & soit en bon lieu, & deliure de mauvais signes.

Touchant la septiesme question qui est du

regime d'icelle phlebotomie, le dy qu'en iceluy regime sont trois choses à considerer.

Premieremēt le regime de celuy qui seigné.

Secondement le regime de celuy qui est seigné.

Tiercement le iugement & regard du sang tiré dehors.

De la premiere dit Haliabas in nono que celuy qui seigne doit estre ieune, bien voyant coustumier de seigner: & qu'il soit biē guarney de bonnes lancettes de diuerses pointes: & le lieu frotté, & de la partie superieure lié avec vn bandeau. La veine trouuée & bien aduisée, & touchée avec le prochain doigt du pouce, en tenāt la lancette avec deux ou trois doigts, souefuement soit ouuerte en pertuisant, non pas totalement, mais aucunemēt en esleuant, afin que l'artere ou le nerf ne soient blecez. Et l'euacuation suffisammēt faite, le membre soit deslié diligemment, la playe soit close à coton & avec bande. Et celuy qui seigne soit garny de pouldre rouge, si flux de sang y venoit comme dit Auicenne.

La secōde, du regime de celuy qui doit estre seigné, est diuisée en trois, a sçauoir, Au regime deuāt la phlebotomie. En la phlebotomie. Et apres la phlebotomie.

Deuant la phlebotomie, soit gouuerné ce-

luy qui doit estre phlebotomé en ceste maniere, a sçauoir, si lon soupsonne le sang estre gros, ou le temps estre froid, il doit cheminer vn peu, ou entrer en baing le iour de deuant: specialement en la phlebotomie des petites veines de la main & du pied. Et si lon doutoit de la vertu, lon luy doit donner deuant vne soupe en vin, & sil est fort, se doit asseoir: sil est foible, soit gisant vn peu esleué.

En la phlebotomie, le patient doit oster la ceinture: pierres precieuses, sil les auoit ou portoit en sa bource, ou anneaux, ou bagues qui ayent vertu de restaindre le sang.

Et l'ouuerture faite faut qu'il tienne vn baston en la main, & demaine les doigts, & touffe, & soit frappé vn peu auec la main entre les espaules.

Après la phlebotomie, si le patient est eschauffé, lon luy donne grenades auec eau froide, comme dit Galien: sil n'est eschauffé, lon luy donne feuille de saulge trempée en vin, & soit mis au liect, & se gise de la partie non seignée, & soyent clos les huis que grand clarié ne nuise à la veine. Après vne heure qu'il mange atremplement, & se garde de dormir tantost après la seignée, afin que du mouuement des humeurs au dehors pour la phlebotomie, & au dedans pour le dormir ne soit faite con-

fraction aux membres.

Touchant la tierce, du iugement & regard du sang tiré dehors, selon nostre maistre Guidon, il suffit au chirurgiẽ, eslioir celuy qui est seigné, en luy disant. que la seignée a esté bonne. Car si le sang qui a esté tiré dehors, est bõ, c'est signe que celuy qui est demeuré est encores meilleur, & s'il est mauuais, c'est signe qu'il estoit bon qu'il fust seigné.

Le bon sang est celuy, qui n'est pas trop gros en substance ne trop subtil, mais est froissable competemẽt, attemperé, rouge en couleur, pur en odeur, & amiable en saueur.

Le sang mal, est celuy qui desuoie d'iceluy. Je delaisse ce à messieurs noz maistres, auxquels appartient la congnissance.

E. I. N.

Imprimé à Paris par Iehan Ruel-
le demourant en la rue saint
Iacques à lenseigne de la
queue de Regnard.

